

2 Corintios

Mamabuinore coyuiyebu Pablo bácu ũi toivaicōjeiye báquede yóbocayoca paperayocare Corinto āmicuriimarocavu Jesúre ju aipōevare. Pablo bácu judíovacacu bácuvacari, Jesús ũi yávaiye méne beorí coyucōjeimū marejaquémavu, coyucuyū ũi yávaiye méne judíova ānevure, judíova ne ju abe boje ũi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru ũi cuede Corinto āmicuriimaroi 18:1-18. Javede Pablo bácu toivacaipōecu bácu toivaicōjeneaquemavu pucayoca ũi paperayocare Tesalónica āmicuriimarocavure aru ũi mamayoca paperayocare Corinto āmicuriimarocavure. Pablo bácu coyurejaquemavu ũre toivacaipōecu bácu aipe ũi toivacaquie báquede diyocare. Toivaicōjeneaquemavu aipe diyocare āniuju bácarōre 55 d.C., yóbescu ũi cuscunuyede, coyucuyū Jesús ũi yávaiye méne. Majidivū ne dápiayepe, curejaquemavu Filipos āmicuriimaroi ũi toivaicōjeiyede diyocare (Hch 20:1-2).

Diyocaque Pablo bácu coyurejaquemavu aipe Jūmenijicu “Yópe đajarā muja boropatenbenajivū ji jáinore”, ũi yóboque coyuiye báquede pōevare. Aru coyurejaquemavu aipe ũvacari Jesús ũi yávaiye méne beorí coyucōjeimūre, bueirpōeva borocurivū ne cue báque boje Corinto āmicuriimaroi Jesúre ju aipōeva jēneboi. Ina bueirpōeva borocurivū ũbenina coyurejaquemavu aipe yávaiyede, Jūmenijicu “Yópe đajarā” ũi yávaiye jāve āmene. Aru “Pablo āmemi Jesús ũi yávaiye méne beorí coyucōjeimū” ũbenina arí coyurejaquemavu. Diyoca coricai Pablo bácu Jesúre ju aipōevare jícōjeneaquemavu jecubevūva ne cuvaequede cūve cuvabevure, ne cadatenajiyepe ayū náre (caps. 8-9).

Pablo ũi meaicōjeino Corintocavure (Hch 18.1)

1 ¹Yū, Pablo, toivaicōjeivū
apescure iyoca paperayocare.
Meaicōjeivū muja cōjijivaivū Corinto
āmicuriimarocavu Jūmenijicui
pōevare aru caivū apevū Acaya
āmicurijoborōcavu Jūmenijicui
pōevare máre. Jūmenijicu beorí epeibi
yūre Jesucristoi yávaiye méne beorí
coyucōjeimaracacure. Timoteo máre,
majecu ũi ju aipe boje Jesúre majapedeca,
meaicōjeimi mujare. ²Majepacu
Jūmenijicu, maje jabocu Jesucristomaque,
mearo đacajacurí mujare bojecubeda
ũi me boje. Aru torojurí cure đajacurí
mujare máre cārijimevūva.

Maja cadateimara maje nājijyede (1 Co 15.32)

³Jínajarevū mearore Jūmenijicure,
maje jabocu Jesucristoi mearore jímuere,

jípacure máre. Majepacu Jūmenijicu
cōmaje āroje jáimi majare cainumua.
Aru cadateibi majare cainumua, ũi
parure đaiye boje majare maje ũmei.
⁴Cainumua maje nājijyede, majepacu
Jūmenijicu parure đarí maje ũmei,
cadateyube majare, majacapuravū
maje cadatenajiyepe ayū apevū
nājivure. Yópe ũi parure đaiyepere
majare, nopedeca maja parure đavivū
apevure máre. ⁵Yópe Cristoi urarō
nājijyede báquepe, nopedeca maja máre
urarō nājivūbu. Aru yópe Jūmenijicui
urarō cadateiyede báquepe ũre, nopedeca
urarō cadateyube majare, maje cue
boje Jesucristoque cūinávure. ⁶Nūja
nājivūbu, buojarājivū cadateivū mujare,
mujere parurājijyepere aivū mujere ũmei aru
mujere meadaimara marajijyepere aivū
máre. Jūmenijicui cadateiyede nūjare
ũi parure đaiyede nūjere ũmei, coreóvare
đalibi nūjare aipe đaiye jaurōre nūjare,
nūjere cadatenajiyepere ayū mujare,

parure ðarí mujare muxe úmei. Que baru mija máre muxe ñájiyede napini buojarájivubu muxe ñájinajijárvavu baquinói yópe ñuje napiyepedeca ñuje ñájiyede. ⁷Majivu ñuja muxe ñájiyede yópe ñuje ñájiyepedeca, Jümenijicu cadateni parure ðacuyure mujare máre muxe úmei, yópe üi cadateni parure ðaiyepedeca ñujare ñuje úmei. Que baru jáve napini coreivubu ñuja me baju vaiquiyepa aivu mujare.

⁸Muja, ñujevu, uvu ñuja muxe majinajiyede ñuje napiye báquede ñájiño uraró bajure no Asia ámicurijoborói. Pare ámeno ñuje ñájiye boje, ye napini majibetecará ñuja. “¿Jáve yainájivu bária?” arí dápiaríducará ñuja. ⁹Jümenijicu nópe arí dápiacójeñume, ñuje napini corebenajiyepa ayu ñuje baju cadatenajiyede. Quénora jáve napini coreiye jauteavü ñujare Jümenijicure, ñai nacovañu ina yaivu bávavure yainore jaruvarí, üi cadatequiyepa ayu ñujare, yaijörorivu bávavure. ¹⁰Aru Jümenijicu jáve meadame ñujare iye ñuje yaijöroró mácaróre jocarí. Aru ñujare meadacuyume ñuje ñájiyede jaruvarí. Que baru jáve napini coreivubu ñuja úre. Majivu ñuja jáve meadacuyure ñujare ñuje ñájiyede jaruvarí cainumua. ¹¹Que baru uvu ñuja muxe cadatenajiyepa aivu ñujare muxe jénaiyede Jümenijicunque ñujare boje. Obedivu pöeva ne jénaiyede Jümenijicunque ñujare boje, mearo ðacacuyume ñujare. Aru ne jáiyede üi mearo ðacaiyede ñujare, obedivu pöeva torojuede jínajarama úre.

**Aipe teni Pablo üi jácunumeno
mácaró Corintocavure yópe üi aiyepedeca
báquedepedeca**
(Hch 18.5, 19.21; Ef 1.4)

¹²Apevu mujacavu übenina arí coyuríduyama ñujare borocurivure. Übenita ne que aiyepedeca jáve ámevu. “Ðadavü maja yópe ðaiye jauróre majare Jümenijicui jáinore”, ñuje arí dápiayepa torojurivubu ñuja. Coreóvaivubu ñuja cainumua ðarí

cómajivure jujovabevüva aru ámeno cubevüva máre pöeva Jesúre ju abevüque aru püeno baju mija Jesúre ju aipöevüque. Übenita nópe ðarí buojabevü ñuja ñuje majiéque. Quénora Jümenijicu nópe ðarí majide ðaibi ñujare bojecubeda üi parué majiéque. ¹³⁻¹⁴Cainumua ñuje paperayocare, ñuje toivaicójeiyede apesure mujare, jári boroteni coreóvarí buojajebu mija. Übenita caride caiye ñuje toivaicójeiyede apesure coreóvabevüreca cáreja, jáve napini coreyubu yu, muxe coreóvarájiyepa ayu caiye iye ñuje toivaicójeiyede apesure mujare. Que baru muxe jabocu Jesú copaidaquiyede caivu maja torojurájaramu. Mujacapuravu torojurájaramu ñuje bueiye báque boje mujare Jesús üi yávaie méne. Aru ñujacapuravu torojurájaramu muxe ju aiyepedeca boje üi yávaie méne.

¹⁵⁻¹⁶Ji coreóvaie boje diede, arí dápiaríducacu jácunucuyure muxe yebai mamarumü, ji nuiyede Macedonia ámicurijoborói aru ji copaiyede nore jocarí máre, muxe cadatenajiyepa ayu yure nure nucuyure pu Judea ámicurijoboróita. Püque ji jácunuiyede mujare, püque Jümenijicu mearo ðacajebu mujare. ¹⁷Yu nópe arí dápiaríduyu bávavacari, ape borore ji jápiaríburu yóboi, oatuvacacu ji dápiainore. Que baru numetevü muxe yebai cáreja. Ji nume boje cáreja, apesure mujacavu yópe borocuma yure. “Pablo jujovaibi majare. Ijáravüvavu Jesúre ju abevü, übenina coyüibi. Üi dápiayede üi ðaquiyede üi baju cadateiyurí, apesure ye cadateiyubebi. Maumena üi ju aiyepedeca báquede oatuvaibi, bi acuyü. Que baru pücaümea cubi ü”, übenina adama yure. ¿Ju aivurü mija ne nópe arí coyüinore yurá? ¹⁸Ne nópe arí coyüiye yurá jáve ámevu. Jümenijicui jáinore jáve coyuyubu mujare. Jümenijicu pücaümea cubecu, oatuvabecu, ye übenina arí coyubebi. Jümenijicu “Yópe ðacuyumu” ayu baru, jáve ðayu apa. Aru ñuja máre pücaümea cubevü, oatuvabevü,

ye ũbenina arĭ coyũbevu. Ñũja “Yópe ðarājaramu” aivu baru, jāve ðaivu apa. Que baru yũ jũ ayũ baru apede, ye oatũvabevũ. ¹⁹Jāvetamu no, ji ðaiye boje yópe Jũmenijicui mácu Jesucristoi ðaiyepe. Javede Silvano, Timoteo, aru yũ máre coyũcarā mujare Jesús ũi yávaiye méne. Jesúrecabe pũcaũmea cubecu, oatũvabecu, ye ũbenina arĭ coyũbecu. Cainũmua “Yópe ðacũyũmu” arĭ coyũyũ, jāve ðayũbe yópe ũi aiyे báquepedeca. Jũ ayũ baru, ye oatũvabebi.

²⁰Jesucristorecabe jũ ayũ caiye Jũmenijicu “Yópe ðacacũyũmu pœvare”, ũi aiyे báquede. Ũrecabe ðayũ caiyede yópe Jũmenijicui aiyе báquepedeca, mearo ðacacũyũ caivu majare ũre jũ airœvare. Que baru cainũmua maje mearore jýyede Jũmenijicure, “Cristoi ðaiye báque jāvemu. Quédecabu”, arĭ coyũvaivũbu Jesucristoi paruéque. Aru Jũmenijicu torojubi dieque.

²¹Jũmenijicurecabe parũre ðayũ ñũjare aru mujare máre maje ũmei, maje cuede Jesucristoque cũinávũpe. Ũrecabe beoyũ báciu majare ũ jinava. ²²Ũrecabe ðaroyũ báciu majare ũi Espiritu Santore, ũi cuquiyepe ayũ majaque, jáðovacũyũ majare Jũmenijicu jinava. Aru ũrecabe majide ðayũ majare ðacacũyũre caiye iye méne yópe ũi aiyе báquepedeca, ũi daroiye báque boje ñai Espiritu Santore.

²³Caride yũ toivaicœjecuquijivũ apesũre mujare, coyũcũyũ aipe teni oatũvayũ básũre “Yópe ðacũyũmu”, ji arĭ dápiaiye báquede. Jũmenijicũvacari majibi jāve ji coyũiyede. Ũrecabe majicũ caiye ji dápiaiye de ji ũmei. Yũ nũmetevũ cäreja mujе ĩmaro Corinto, ji jaraiyũbe boje mujare. ²⁴Ñũja jaraiyũ baru mujare mujе ðaiye boje, yópe jabova parũrivũ ne cœjeiyere, ñũja jũ aicœjeiyũbevu mujare aipe jũ aiyе jaurœre mujare. Mũja me coreóvaivũbu aipe mujе jũ aiyede Jesúre ðajocabevũva, parũrivũ mujе ũmei. Quénora jaraiyũ baru mujare, cadateiyũrivũbu mujare, mujе torojurájiiyere aivu mujе ũmei.

2 ¹Yũ nũñũ maru mujе yebai caride, jarajebu mujare. Aru

jararu mujare, chĩojebu mujа. Ũbenita nũiyũbevu yũ mujе yebai, mujare chĩore ðacũyũ bediáva cojedeca. Que baru copainũmetevũ yũ cäreja nore. ²Mũjarecabu torojũre ðaivu yũre. Que baru yũ chĩore ðayũ baru mujare, yũ máre chĩojebu. Caivu maja chĩojebu, yũ nũñũ maru mujе yebai caride. ³Que baru toivaicœjecacu apesũre mujare apesũre paperayoca bácarœre, jaracũyũ mujare, mujе meadarájiiyere ayũ mujе ðaiyede ji nuquiye jipocamia, ji jaraiyũbe boje mujare mujе jivateinoi. Ji jaraiyede mujare, torojubevu yũ. Ũbenita mujarecabu yũre torojũre ðájurorivũ baju. Que baru yũre chĩore ðaiye jaubevu mujare. Me coreóvaivũ yũ iyede. Mujе torojubedu, yũ máre torojubevu. ⁴Chĩoñũ baju ji orique toivaicœjecacu apesũre no paperayoca bácarœre. Parę ñájicacu yũre jaraiye jaué boje mujare. Ũre toivaicœjemetecacu, chĩore ðacũyũ mujare. Quénora ũre toivaicœjecacu, mujе majinajiiyere ayũ pare ji ũede mujare.

**Pablo ũi ārũmetecœjeino
Jesúre jũ airœvare apesũ ũi
ãmecoroino mácarœre ũre**

⁵Ñai mujе yebai cucũ amecoroyũ básũ yũre chĩore ðabeteame yũre cũinácũva. Quénora mujare máre chĩore ðaquemavũ ũ. O, “Apevu mujacavũre chĩore ðaquemavũ”, aiyе jauvũ yũre, ji cœmaje aroje jáiye boje ũre. ⁶Iye mujacavũ obedivũ mujе ñájine ðaiye báque ũre, ũi amaina teiye boje, ũrarœ bajubu. Ape ñájiiye jaubevu ũre. Quénora ðajocajarā mujе ñájine ðaiyede ũre. ⁷Que baru caride ārũmetejarā ũi amaina teiyede. Ũre cadateni, parũre ðajarā ũi ũmei. Que ðaru, ũ ðajocabecũyũme ũi jũ aiyede Jesúre, ũi pare chĩoiye boje mujе ñájine ðaiyede ũre. ⁸Parũrœca jēniaivũ mujare mujе coyũiyede aru mujе jáðovaiyede máre bediáva cojedeca ũre mujе ũmũre. ⁹Toivaicœjecacu apesũre no paperayoca bácarœre, majiacacũyũ mujare ñájine ðaiye jaurœre ñai ũmũre. Mũja cainũmua jũ

aivure yure majiyutecacu yu. Torojavu yu, majicu mije daiye báquede yópe ji majicaiye báquipedeca. ¹⁰Muje arumetedu ñi ámeina teiyede, yu máre arumetecuyumu ñi ámeina teiyede. Yure arumeteiye jauéde apecui ámeina teiyede, arumeteyubu diede mujare boje, caivu mija mije curájiyepe ayu me mije baju, aru Cristore boje, ñi jáiye boje caiye ji daiyede, aru ji dápiayede máre. ¹¹Maje arumetedu apecui ámeina teiyede aru cadatedu úre, ñai abujuvai jabocu, Satanás, majare ye buojabebi dápaicójeñu aru ñaicójeñu máre, yópe ñi dájueroepe maje arumetebedu apecui ámeina teiyede aru cadatebedu úre. Me majivu maja aipe árojae ñai jujovayu ñi daiyede.

Pablo ñi cãrijino ñi cuede Troai
(Hch 20.1)

¹²Ji coyucunuiyede Cristoi yávaiye méne, eacacu Troas ámicurriimaroí. Obedivu nócavu jápiayuriduima diede. Que baru maje jabocu Cristore memecayu buojariducacu. ¹³Ubenita pare cãrijinũ batecácu mujare. Majecu Titore, ji jaroimu mácure mije yebai, “Úre sorucuyumu yui”, arí dápiariduyũ batecácu. Ubenita úre eabtecacu nore. Que baru, “Nũñũmu” ji aríburu yóboi nócavure, etacacu nore jocarí, vocunucuyũ Titore Macedonia ámicurijoboróí.

Cristo ñi vainí ture ñaino
majare maje mauvare

¹⁴Torojuede jínajarevu Jümenijicure. Maje cue boje Jesucristoque cünávũpe, cainũma majare vainí ture ñayube Jümenijicu maje mauvare, ina majare coyucójemenudivure Jesús ñi yávaiye méne. Coyure ñayube Jesús ñi yávaiye méne caino maje nuino, obedivu pöeva ne coreóvarájiyepe ayu úre, yópe pöescu bicovaiyepe mumijuede, eaquiyepe ayu cainoi. ¹⁵Jümenijicu me baju jáñũme maje coyuyede Jesús ñi yávaiye méne cainoi. Yópe caivu pöeva ne víyepe mumijuede ne bicovaiyede, nopedeca

caivu pöeva jápiaivu maje coyuyede Jesús ñi yávaiye méne coreóvaivubu diede. Apevu diede jápiaivu meadare nuivubu cavaró mearo Jümenijicui curóí, aru apevu bíjare nuivubu Jümenijicure jocarí toabo cüiméboi. ¹⁶Ina Jesús ñi yávaiye méne jápiarí ju abevũ ubema maje coyuyede yópe pöeva ne víyũberpe áme corajuede. Maje coyuyede boje, nácapüravu coreóvaivubu ne baju yaináivure aru bíjare nurajivure Jümenijicure jocarí toabo cüiméboi. Ubenita ina Jesús ñi yávaiye méne jápiarí ju aivu uma maje coyuyede yópe pöeva ne víyũberpe mumijuede. Maje coyuyede boje, nácapüravu coreóvaivubu ne baju apuráivure aru meadare nurajivure cavaró mearo Jümenijicui curóí. Pöescu cubebi ñi baju coyuyede majicu iye yávaiyede, yaidé ñayũ apevure aru apure ñayũ apevure máre. Quénora maja coyuvubu diede, Jümenijicui cadateiye boje majare. ¹⁷Obedivu pöeva coyuvubu Jümenijicui yávaiyede, ñajivu tauturare yópe cuede jíní bojeaipöevare. Apevu mujacavu ubenina arí coyuriduyama ñjare nápe paivure. Ubenita ne que aiye jáve ámevũ. Quénora ñjia Jümenijicui daroimaramu. Uí coyucójeimaramu ñi yávaiyede ámeno cubevũva ñi jáinore, ñjje cue boje Jesucristoque cünávũpe.

Pablo ñi coyüino Jümenijicu “Yópe ñajará mija, boropatebenajivu ji jáinore”, ñi yóbocaró coyüino mácaró pöevare Cristoque
(Ro 8.29; Gá 4.19; Fil 3.10)

3 ¹Apevu pöeva ámecororájiçũma ñjare bedióva cojedeca, ñjje nópe aiye boje. “Pablojá ‘¿Meara márica?’ aivubuya”, ubenina aivureca, ne nópe ámecoroíye ñjare jáve ámevũ. Javeita ñjare coreóvaðavũ mija. Que baru apevure paperayocare toivacaicójeiye jaubevu ñjare, mije coreóvarájiyepe aivu ñameja ñjare aru ye paruéde cvarivure. Iyere paiyoca paperayocare toivacaicójeiye

jaunu arevu pōevare. Ūbenita mujare jādovaiye jaubevu ñujacapuravure paperayocare, muje majinajiyeye aivu ñujare Jūmenijicui daroimarare. Aru mujare toivacaicōjeiye máre jaubevu ñujacapuravure paperayocare, arevu ne majinajiyeye aivu ñujare Jūmenijicui daroimarare. ²Mujavacari iyepe paiyoca paperayocape paivubu. Que baru jaubevu ñujare paperayocare, ñameja ñujare aru ye paruéde cvarivure coyuyocare. Caivu pōeva mujare jáivu majinajarama jáve ñujare Jūmenijicui daroimarare aru ñi paruéde cvarivure, muje oatuvaiye báque boje muje ðaiyede, ñuje coyuiye báquede mujare Jesús ñi yávaiye méne. Mujare pare unu ñuja. Que baru mujarecabu paperayoca Cristo toivaino mácarōpe paivu ñuje ūmei, ñuje ārumetebenajiyeye aivu mujare. ³Cristo ūbi pōevare ne járajiyeye ayu caiye iye ñi mearo ðacaiyede mujare, ñi oatuvare ðaiye báquede mujare, muje ju aiye boje ñi yávaiye méne, ñuje coyuiye báquede mujare. Que baru mujarecabu paperayoca “Mearatamu na”, ñi arí toivaino mácarōpe mujare aru ñi jícōjeinope paivu ñujare, ijārvucavu ne coreóvarājiyeye ayu ñi paruéde. Ūbenita toivabeteame ñeminicoroque paperayocarā, aru buraiyoque cūravearā máre. Quénora oatvaicōjequemavu ñai Espiritu Santore mujare, muje ūmene aru muje ðaiyede máre.

⁴Jāve majidivubu ñuja me nuriéna coyuvure Jesús ñi yávaiye méne, Jūmenijicui daroiye báque boje ñujare aru Cristo beorí coyucōjeiye báque boje ñujare. ⁵Ñujavacari Jesús ñi yávaiye méne nuriéna coyurí ye majibevu ñuje baju majiéque. Quénora Jūmenijicurecabe coyurí majide ðayu ñujare diede me nuriéna. ⁶Jūmenijicūvacari majide ðarejame ñujare, ūre memecaivure, ñuje coyurājiyeye ayu “Yópe ðajarā muja, boropatebenajivu ji jáinore”, ñi yóboarō coyūno mácarōre pōevare Cristoque. Toivacaino mácarō āmenejaquemavu iye ñi yóboarō coyūno mácarō

Cristoque, pōeva maje majinajiyeye ayu aipe ðaiye jaūrōre majare. Quénora ñi yóboarō coyūno mácarōque Cristoque Jūmenijicui Espiritu Santo majide ðayu aipe ðaiye jaūrōre majare. Jūmenijicui ðaicōjeiye ñi toivacōjeiye báqueque Moisés bācure pōeva yaivu bācavure ne ūmei coateimara májebu Jūmenijicure jaruvarí, maje ðaiye majibe boje yópe ñi ðaicōjeiye. Ūbenita Jūmenijicui Espiritu Santoi ðaicōjeiyeque pōeva apurivubu maje ūmei, ñi ðare ðaiye boje majare yópe ñi ðaicōjeiye.

⁷Javede “Yópe ðajarā muja, boropatebenajivu ji jáinore”, Jūmenijicui arí coyurejaquemavu pōevare, ñi coyuiye báquede ñi ðaicōjeiye Moisés bācure. Iye ðaicōjeiye toivaicōjenejaquemavu cūravearā. Dinumu mácarōre paredca Jūmenijicui meacu baju ñi parué pēorejaquemavu. Que baru Moisés bācui jiva máre pēorejaquemavu. Iye pēoiye bíjare nuiyede, ānina Israel bācui pāramena mácavu ye jáivu buojabedejaquemavu ñi jivare, pare pēoiyeque boje. Que teni Jūmenijicui jádovarejaquemavu meacu bajure ñi parué pēoiyeque, ñi majide ðaiye báquede pōevare aipe ðaiye jaūrōre náre ñi ðaicōjeiyeque, iye coatede ðaiye pōevare ūre jaruvarí. ⁸Que baru pūeno baju jádovarejaquemavu meacu bajure ñi parué pēoiyeque, ñi majide ðaiyede pōevare aipe ðaiye jaūrōre majare ñi Espiritu Santoque, ñai arupe ðayu majare maje ūmei, maje curājiyeye ayu Jūmenijicūque cainumca.

⁹Jūmenijicui, ñi javecarō coyūno mácarōque Moisés bācūque, pōevare boropateivure jári, ñajicōjenejaquemavu náre. Ūbenita ñi yóboarō coyūno mácarōque Cristoque, pōevare boropatebevure jári, meadarejaquemavu majare. No ñi javecarō coyūno mácarōque Moisés bācūque, jádovarejaquemavu meacu bajure ñi parué pēoiyeque. Ūbenita yo ñi yóboarō coyūno mácarōque Cristoque,

pueno baju jádovarejaquemavu meacu bajure ñi parué pëoiyeque. ¹⁰ Ñi yóboque coyuquiye jipocai, no ñi javecarõ coyuino mácarõ parurejaquemavu. Ñbenita yo ñi yóbocarõ coyuino mácarõ Cristoque pueno baju parurõtamu. Que baru yóboquede ñi coyuñiburu yóboi, no javecarõ ye parubevu. ¹¹ Jümenijicui coyuñiyede no javecarõre Moisés bácuque, “Cüiquíyebu”, arí dápiarejaquemavu. Ñbenita ñi yóboque coyuñiyede Cristoque, “Cüiméquiye”, arí dápiarejaquemavu. No ñi coyuino mácarõ cüiquínoque jádovarejaquemavu meacu bajure ñi parué pëoiyeque. Ñbenita yo ñi coyuino mácarõ cüiméno maquinóque pueno baju jádovarejaquemavu meacu bajure ñi parué pëoiyeque.

¹² Ññje jáve napini coreiye boje Jümenijicu jádovare nucuyure meacu bajure ñi parué pëoiyeque, ññje coyuñiyede Jesús ñi yávaiye méne, jidubevüva coyuñvaivubu diede.

¹³ Moisés bácu, ñai cümañu mácu ñi jivare cuitótecajeque ñnina judíova, Israel bácu páramena mácvu, ne jámenajiyere ayu iye pëoiyede bíjare nuñiyede ñ mácvure jocarí, coyurejaquemavu Jümenijicui yávaiyede jávene avenu pëovare obebeñuare. Ñbenita ññjacarüravu coyuñvubu Jümenijicui yávaiyede jávene caivu pëovare cainümu. ¹⁴ Ñnina judíova ye coreóvaivu buojabedejaquemavu ne jári boroteiyede Moisés bácu coyuñiyede báquede Jümenijicu “Yópe ñajarã muja, boropatebenajivu ji jáinore”, ñi javecarõ coyuino mácarõre.

Aru quédecabu caride máre. Ye coreóvaivu buojabema ina judíova, yópe ne cümaiyepe ne ümene cuitótecajeque. Pu ne cuiyeta Jesucristoque cüinávure, coreóvaivu buojarãjarama na. Cristo quécura majibi yópe cümaicajede ñni jaruvaiyepe. ¹⁵ Pu carita ne jári boroteiyede Moisés bácu coyuñiyede báquede Jümenijicui javecarõ coyuino mácarõre ye coreóvaivu buojabema ina judíova, yópe ne cümaiyepe ne ümene cuitótecajeque. ¹⁶ Ñbenita pöescu

ju aiyepe maje jabocu Jesucristore, coreóvaivu buojabi Jümenijicui javecarõ coyuino mácarõre, yópe icaje cümaicajede ñni jaruvaiyepe. ¹⁷ Maje jabocu Cristo cüinávure ñai Espiritu Santo. Aru ácu pöescu cuvacu ñai Espiritu Santore, abujuvai jabocui cöjeimu ñmemi. ¹⁸ Caivu maja curivubu yópe cuvarepe maje jiva cümamejivare, maje coreóvaive boje Jesucristore. Yópe jivaru cümamedu jádovaiyepe ñai jáñu nore, nopedeca maja jádovaiyubu avenu maje jabocu Cristo meacu baju ñi parué pëoiyede maje cuvarede, maje cue boje éque cüinávure. Maje coreóvare návaiyede ére cainümu, oatuvare návaiyubu maja, épe tenajivu. Járvu coapa pueno baju jádovare návaiyubu ñi parué pëoiyede maje ñaiyeque. Nópe ñare ñayube maje jabocu Cristo. Érecabe ñai Espiritu Santo.

4 ¹ Jümenijicu ñi cömaje ñroje jáiye boje, ére memecacöjeimi ññjare, ññje coyuñajiyere ayu Jesús ñi yávaiye méne. Que baru ñetubevüva diede coyure nurajaramu ññja. ² Ññje coyuñiyede, ye ñabevü meatenajivu ññje baju avenu pueno yópe ññjare ñmecororíduivu ne aiyepe. Ye cuyoje tede ñabevü ññja. Yavenina máre yéde ñabevü ññja. Jujovabevü pëovare. Aru oatuvabevü Jümenijicui yávaiye méne. Quénora caiye Jümenijicui yávaiye méne coyuñvaivubu yéde yavebevüva, oatuvabevüva, aru jujovabevüva máre. Nópe ñari Jümenijicui jáinore jádovaiyubu caivu pëovare ñameja ññjare aru ye paruéde cuvavüve, ne mearo dápiarajiyere aivu ññjare.

³ Avenu pöeva coreóvaivu buojabema ññje coyuñiyede. Ñbenita nárecabu quévura ina bíjare nuñu Jümenijicure jocarí toabo cüiméboi. ⁴ Ññje coyuñiyede Jesús ñi yávaiye méne, náre jápiarí eabede ñabi ñai abujuvai jabocu Satanás, ñai jaboteyu ijárvucavu Jümenijicure coreóvabevüre. Pöeva ne jápiarí earí ju aiye iye yávaiye méne yopedecabu ne jájuroe Cristo meacu

baju ñi parué pëoiyede, ñuje coyuiyede diede. Ëbenita yópe jári eabecu ñi jámepe pëoiyede, nopedeca ina pöeva diede ju abevu coreóvabema Cristo, ñai cüináture jípacu Jümenijicuque, meacu baju, ñi parué pëoiyede, yópe ne jári eabepe diede. ⁵Ñuja coyubevu ñuje borore, pöeva ne pueðaräjipepe aivu ñujare ne jabovava. Quénora coyuvaivubu maje jabocu Jesucristore. Ñujacapuravu quénora memecavaivubu mujare, ñuje ðaiyue boje yópe Jesucristoi uröpe. ⁶Mamarumare, Jümenijicui cuedaiye báquede caiyede, ñeminijaravu bácaröre, “Miadájaro” ayu bácu, miadáre ðarejaquemavu Jümenijicu. Ërecabe, yópe miadáre ðaiyepere maje ümene, coreóvare ðayu meacu baju ñi parué pëoiyeque. Maje coreóvaiyede Cristore, coreóvaivubu Jümenijicu meacu baju ñi parué pëoiyede, yópe maje jájuroepe Cristo meacu ñi jiva pëoiyede Jümenijicui paruéque.

**Jesúre ju aipöeva ne ðaino ñi
paruéque
(Ro 14.10)**

⁷Iye Jümenijicu meacu baju ñi parué pëoiyebu püeno bojecue baju. Ëbenita ñuja coreóvaivubu cvarivare iye parué pëoiyede parubevure ñuje ümei, ñuje bojecube boje, yópe jobojorobu parubebure aru bojecubebure. Que baru Jümenijicurecabe parure ðayu ñujare ñuje ümei, jáðovacuyu caivu pöevare üre parucure caivu püeno. ⁸Apenumua apevu ñujare cãrijovavureca, Jesús ñi yávaiye méne coyurí ye dajocabevutamu ñuja. Apenumua aipe ðaiye jaüröre ñujare, ye majibevureca, apevu ye vainí turí jaruvaivu buojabevutamu ñujare. ⁹Apenumua apevu ñujare ñájine ðaivureca, Jümenijicu ye coatebebi ñujare jaruvarí. Apenumua apevu ñujare ámedaivuvacari, ñujare ye bíjare ðabevutamu na. ¹⁰Caino ñuje nuinoi, ñuje coyuiye boje Jesús ñi yávaiye méne pöeva boarí jaruvaivuríduivubu

ñujare, yópe apevu ne boarí jaruvaive báquepe Jesúre. Ëbenita ñuja apurivu cãreja jáðovaivubu Jesúre, ne boarí jaruvaimu mácure, apucure bedióva cojedeca caride, ñujare cadateyure.

¹¹Cainumua ñuje cuede ijáravure, pöeva jëni jíniduvaivubu ñujare apevure ne boarí jaruvaríduräjipepe aivu ñujare, ñuje coyuiye boje Jesús ñi yávaiye méne. Aru ñuja apurivu cãreja jáðovaivubu Jesúre, ne boarí jaruvaimu mácure, apucure bedióva cojedeca caride, ñujare cadateyure. ¹²Que baru pöeva ne boarí jaruvaivureca ñujare, ñujacapuravu coyure núvaivubu Jesús ñi yávaiye méne, muje curäjipepe aivu cainumua muje diede ju aiyede.

¹³Ye baju ámevu pöeva ne boarí jaruvaivure ñujare. Cainumua ju aivubu Jümenijicure. Yópe arí, apecure toivaicöjenejaquemavu Jümenijicu ñi yávaiyede: “Yu ju aivu Jümenijicui yávaiyede jávene. Que baru coyuyubu diede”, arí toivaicöjenejaquemavu. Aru quédeca ñuja máre ju aivubu Jümenijicui yávaiyede jávene. Que baru diede coyuvaivubu ñuja. ¹⁴Coreóvaivubu ñuja ñi yávaiyede jávene, ñi nacovaiye báque boje maje jabocu Jesúre yainore jaruvarí, apure ðacuyu üre bedióva cojedeca. Que baru coreóvaivubu ñuja nacovacuyure ñujare máre yainore jaruvarí, ñuje apuräjipepe ayu bedióva cojedeca, ñuje cue boje Jesucristoque cüinávure. Aru ñuja mujaque, caivu majare nuvacuyume ñi curóí, maje curäjipepe ayu úque cainumua. Que baru jidubevuvu coyuvaivubu diede. ¹⁵Ñuja vaivubu caiye iye ñájiyede mujare boje, cadatenajivu mujare. Püeno baju obedivu pöeva ne ju aiyede Jesús ñi yávaiye méne, ñuje coyuiyede, Jümenijicu meadaibi náre ne ámeina teiyede jaruvarí, ñi mearo ðacaiye boje pöevare bojecubeda ñi me boje. Que baru ina püeno baju obedivu pöeva torojuede jínajarama Jümenijicure. Aru úcapuravu püeno baju ne pueðaimu macuyúme, ne püeno baju mearore jíye boje üre.

¹⁶Que baru ñetubevva Jesús ñi yávaiye méne coyure nurajaramu ñña. Jāravva coapa vainíburu, parubede ñivuvacari ñña baju, maje úme parure ñuri, mamaeva oatuvare ñivubu maja. ¹⁷Ñájivureca maje cuede ijāravure, maumena vaiquiyebu maje ñájiyede. Que baru quíjino dápiavubu diede. Aru maje curājiyede cavarō mearore Jūmenijicūque, coreóvarājaramu jāve quíjino bajura iye maje ñájiyede ijāravure. Ūbenita maje ñájije boje pñeno ñrarō mearo baju cvarājaramu maja cainmua, jāravu cūimējāravu baquinóre. Que baru ñrarō dápiavubu diede. ¹⁸Maja dápiare ñmevu maje ñájiyede, iye maje jāri buojaiyede. Quénora dápiare ñivubu iye mearo bajure maje cvarājiyede, cavarō mearo Jūmenijicūi curōi, iye maje jāri buojabede cāreja. Iye maje jāri buojaiye cūiquiyebu. Maumena vaiquiyebu. Ūbenita iye maje jāri buojabe cūimēquiyebu. Cainmua cuquiyebu.

5 ¹Maje baju ijāravucarō yópebu cūrami maje úme curiñamipe. Majidivubu pojequibaju baquinóre maje yayede. Ūbenita no pojeiyede, maja Jesúre ju aipóeva cūvavu apebaju, maje úme curiñamipe. Ūbenita cūrami pōeva ne ñaiñamipe āmevu. Quénora Jūmenijicūrecabe cuedayū apebaju mamabajure majare. No baju pojebequiyebu. Quénora cuquiyebu cainmua cavarō mearo Jūmenijicūi curōi. ²⁻³Ūtuivubu maje cuede yo baju ijāravucarōque. Pare napini coreivubu añijāravu, Jūmenijicūi jíquijāravu baquinóre apebaju mamabajure majare. Yópe baquiyébu maje ecoiyepe mamađami cūrami aru maje doiyepe cuitótecaje mamacajede máre, maje cubequiyere ayū yópe pōescu cuitótecaje cubesupe. Que baru maje úme baju cuquiyebu cainmua. ⁴Maje cuede yo baju ijāravucarōque, pare ñājini, napini coreivubu maje cvarājiyede apebaju mamabajure. Yópe pōescu ūbebi cūcu cuitótecaje cubesupe, nopedeca maja ūbevū curivū maje úme baju cubevva.

Quénora ūvu maja Jūmenijicūi oatuvaiyere aivu maje bajure maja yaibévva. Que teni maje baju ijāravucarō pojequibajure oatuvajebu Jūmenijicū, maje cvarājiyere ayū mamabaju pojebequibaju cavarō mearocarōre. ⁵Jūmenijicūrecabe ñai majare meadayū bācu, maje baju oatuvaiyere ayū. Que baru iye maje baju oatuvaiye jāvetamu. Ūrecabe majide ñayū majare, ñacacūyure caino mearo yópe ñi aye báquedepedeca, ñi daroiee báque boje ñai Espiritu Santore.

⁶Que baru ye jidubevva aru chōmevva máre napini corevavubu maje cuede cainmua, yo baju ijāravucarōque cubevū cāreja, maje jabocu Cristoi curōi. ⁷Majidivubu aipe ñaiye jaurore majare, maje ju aye boje ūre, majare majide ñayure. Ūbenita ūre jāmevu cāreja. ⁸Jidubevva aru chōmevva máre napini corede ñivubu maja. Pñeno baju yayivuvubu maja, curājivū maje jabocu Cristoi curōi. ⁹⁻¹⁰Ūbenita caiyede jocarī, yópe maje jabocu Cristoi ūrópe ñaiyivuvubu maja. Maje cuede ijāravure aru maje cuede ñi curōre máre quénora ñi ūrópe ñaiyivuvubu maja, caivū maja maje nūrajije boje Cristoi coyquiyede maje ñaiye báquede méne o āmene ñi jáinoi. Bojedacūyume caivū majare yópe maje ñaiye báquedepedeca ijāravure. Maje mearo ñaiye báque boje, mearo ñacacūyume majare. Ūbenita maje āmeno ñaiye báque boje, ñājine ñacūyume majare.

Jūmenijicū ñi cārijimene ñaino majare

(Jn 3.3-7; Hch 16.23; Ro 14.10; Gá 6.15)

¹¹Maje jabocu Cristoi bojedaiyere boje caivū pōevare, ūre pueñaiye jaūvu majare. Que baru pōevare ju are ñaiyurīdūivubu ñña Jesús ñi yávaiye méne. Ūbenita coyubevū ñña diede, cvarājivū ñña boje méne. Quénora diede coyivubu, pōeva ne ñājimenajiyere aivu ne ju abe boje. Jūmenijicūcapūravū me coreóvayube

ñujare, ñuje dápiayede ñuje ùmei. Que baru majibi ñujare ñujovabevure aru mearo ðaivure. Napini coreivü yu mujare máre nopedeca me majidivüre aipe ãrojarivüre ñujare. ¹²Bedióva cojedeca ubenina arí dápiabejará muja jí nópe aipe boje mujare coreóvare ðaiyucure ñameja ñujare aru ye paruéde cuvavivüre. Quénora mujare torojure ðaiyuríduivübu ñuje ðaiye boje, muje majinajiyepe ayu me ina bueipóeva ãmecorojorurivü ñujare ne coyuiyede. Æmecoioyuríduivübu ñujare, ne ube boje ne jáiyede aipe ãrojarivüre ñujare. Ubenita majibema aipe ãrojarivüre ñujare ñuje ùmei. ¹³Apevu “Pablojá ãrúmevutamu”, ubenina adama. Ubenita ãrúmevu ãmevu ñuja. Ærúmevure ãrojaru, ye baju ãmevu. Ðaivübu ñuja yópe Jümenijicui urópe, mearore jínavivü úre. Ubenita jáve ãrurivübu ñuja, memecarãjivü mujare. ¹⁴Memecaivübu mujare Cristoi ure ðaiye boje ñujare, üi ue boje caivu póevare.

Maja coreóvavübu cüinácu ümu, maje jacobu Cristo, yaicáyu bácu caivu póevare boje. Caivu póeva yaijororivüreca ne ãmeina teiye boje, Cristorecabe yaicáyu bácu majare boje. Que baru caivu úre ju aivu yópe yaivu bácvupebu maje cuede úque cüinávure. ¹⁵Cristo yaicárejaquemavu caivu póevare boje, maja úre ju aivu, maje dajocarãjiyepere ayu maje ðaiyede, torojure ðarãjivü maje baju quévura, ubenita quénora maje ðarãjiyepere ayu caiyede, maje torojure ðarãjiyepere aivu úre. Úrecabe yaicáyu bácu aru Jümenijicui nacovaimu mácu máre majare boje. ¹⁶Ñuje ju aipe báquemata Cristore, “Que baibi”, arí dápiabevü aipe ãrojacure póecure ñuje jáiye boje úre, yópe ijãravücvü Jesúre ju abevü “Que baibi”, ne arí dápiayepere. Ñuja nápe paivu “Que baibi”, arí dápiavü bácvüvacari Cristore javede, caride nápe paivu “Que baibi”, arí dápiabevü. ¹⁷Que baru maja Cristore ju aivu curivübu úque cüinávure. Jümenijicui oatvaimaratamu

maja. Yópe mamarümvure póteivü bácvupebu. Maje dápiayede, maje ðarí cõmajiyede, maje ju arãjiye jívocai Cristore dajocadavü maja caride. Quénora maje cuvare boje mamaümene, maje dápiayede, maje ðarí cõmajiyede, oatvüvadavü maja caride. Majarecabu dajocavü bácvü javede maje ðarí cõmajiyepere báquede maje ju arãjiye jívocai. Quénora ðarí cõmajiyavü mamaene caride.

¹⁸Jümenijicurecabe ðare ðayü caiye iyede majare boje. Cristoi ðaiye báque boje, Jümenijicü cãrijimene ðarejaquemavu majare úque, maja úre maucüvarivü bácvü, maje yóvarãjiyepere ayu úre. Aru ñujare cãrijimene ðare ðaicójeneyame apevu póevare máre úque, na úre maucüvarivü, ne yóvarãjiyepere ayu úre. ¹⁹Yópe ayübu yu. Cristoi ðaiye báque boje, Jümenijicü cãrijimene ðaiyuríduibi caivu ijãravücvüre úque, ina úre maucüvarivü, ne yóvarãjiyepere ayu úre. Coyurí ñájine ðabebi ne vainí tuiye báquede üi ðaicójeiyede jocarí. Aru ñujare coyucójeimi náre üi yávaiye méne üi cãrijimene ðaiyena. ²⁰Cristoi daroimaramu ñuja, coyucarãjivü üi yávaiye méne. Ñuje arí coyuiyede póevare “Maucüvabejará muja Jümenijicure. Quénora úre cãrijimene ðare ðaicójejara mujare úque” arí, yopedecabu Jümenijicüvacari üi que jëniajuroe náre. Ñuja paruróreca jëniacavübu mujare Cristore boje. Yópe arí, “Maucüvabejará muja Jümenijicure. Quénora úre cãrijimene ðare ðaicójejara mujare úque”, Cristo ñujare jëniacójeimi mujare. ²¹Maja curivü Jesucristoque cüinávure Jümenijicui cãrijimene ðaimaramu caride. Cristovacari ye ãmenore ðabedejaquemavu cainümu. Ubenita Jümenijicü járejaquemavu úre yópe üi jáiyepere ãmenore ðayüpe majare boje, meadacüyu majare. Que baru Jümenijicü jáñüme majare curivüre Jesucristoque cüinávure, yópe üi jáiyepere boropatebevüpe.

6 ¹Aru ñuja memecaivü Jümenijicure mujaque paruróreca

jēniavaivubu mɔjare, mɔje ju are nɔrajipeye aivu Jūmenijicui urarō mearo đacaiyede, ũi meadaquiyepe aivu mɔjare. ²Jūmenijicuvacari, yópe arí, toivaicōjenejaquemavu ũi yávaiyede:

Mɔje órejarājiyede yure, ji cadatequiyepe aivu mɔjare, jápiarí cadatecuyumu mɔjare. Yo jāravu baquinó ji meadaquijāravure, meadacuyumu mɔjare, arejaquemavu Jūmenijicu.

Jápiarā muja. Caridecaba Jūmenijicui mɔjare cadatejurorijāravu. Cari jāravurecaba Jūmenijicui mɔjare meadajurorijāravu. Mɔjare cadateni meadaiyubi Jūmenijicu cari jāravu baju. ³Cainumua ñuje memecaiyede Jūmenijicure, ye āmeina teiyubevu ñuja aru apevure máre ye āmeina tede đaiyubevu ñuja, ñame ne āmeina yávarí buojabenajiyepe aivu ñujare aru ju abevu āmenajiyepe aivu Jūmenijicui yávaiye méne, “Diede coyucaipōeva āmeina teivubu aru āmeina tede đavubu apevure máre” aivu. ⁴Quénora caiye ñuje đaiyeque jáđovaiyurivubu đavũ me, yópe memecaipevare jauépe Jūmenijicure.

Que baru napiyurivubu cainumua ñuje ñájiyede, ñujare jauéde, aru ñuje cārijiyede máre. ⁵Pōeva ñujare jara popeivu bācavuvacari, ñujare jēni jacoivu bācavuvacari āmeina teivure jēni jacoĩnami jívu, aru ñujare maucvarí, cārijovari boaiyurivubu bācavuvacari máre, caiye ñuje đaiyeque jáđovaiyurivubu đavũ me, yópe memecaipevare jauépe Jūmenijicure. Ñuja urarō memevu bācavuvacari pu uetuiyeta, aru ñuja cāmevu bācavuvacari ñuje memeiye boje, aru ñuja āiyede āmevu bācavuvacari máre ñuje memeiye boje, cainumua jáđovaiyurivubu đavũ me, yópe memecaipevare jauépe Jūmenijicure. ⁶Que baru āmeina tebevũva đare nuiyurivubu me Jūmenijicui jáĩnore. Jūmenijicui yávaiyede jávene majide nuiyurivubu. Aru napine nuiyurivubu pōeva ne đaiyede. Cadatede nuiyurivubu

pōevare. Cũre nũvaiyurivubu ñai Espiritu Santore aru ure nuiyurivubu pōevare cainumua. ⁷Jūmenijicui yávaiyede jávene coyure nuiyurivubu. Aru Jūmenijicui parúeque ñuje cavaede memecare nuiyurivubu. Cainumua mearore đaiyurivubu, meatenajivu maucvaburí āmenore, yópe churarava ne meateiyepe, ne maucvarājiyepe aivu ne mavare.

Que teni majidivubu ñuja aipe đaiye jauróre, vainí turí jaruvarājivu āmenore aru vainí tubenajivu ñuja máre. ⁸Apenumua apevu pōeva pueđadama ñujare. Aru apenumua pueđabena ñujare. Apenumua apevu pōeva āmeina yávadama ñujare. Aru apenumua me yávadama ñujare. Apenumua “Borocurivubu”, ũbenina arí dápiađama ñujare, ñuja borocubevũva yávaiyede jávene coyuvavureca. ũbenita ye baju āmevu ñujare. ⁹Ñuja obedivu ne me coreóvaimarareca, apenumua “Caivu ne coreóvabemaratumu”, ũbenina arí dápiađama ñujare. Apevu “Náre ne boaicōjeimara márājima”, ũbenina arí dápiaivureca ñujare, ñuja arurivubu. Ñujare urarō ñájine đavuvacari, ñujare boarí jaruvabema. ¹⁰Apenumua chíovuvacari ñujare āmeno vaiye boje, torojurivubu ñuje ũmei cainumua. Ijāravuque cũve cuvabevuvacari, apevure cũve cvarivurepe tede đavubu ne ũmei urarō Jūmenijicui mearo đacaiyede ñuje cũvare đaiyede náre Jūmenijicui yávaiye méne. Aru ñuja ijāravuque cuvabevuvacari, caiye iye méne Jūmenijicui cũvare đaiyede ũ jinare cvarivubu ñuja.

¹¹Muja, jívu, Corintocavu, jidubevũva coyivubu mɔjare nuríe, ñuje dápiaiyede ye yavebevũva. Jáđovavubu pare ñuje ũede mɔjare. ¹²Joi āmevu ñuje ũme mɔjare jocarí. Ñujacapuravu yóvaiyubevu āmevu mɔjare. Quénora joi ũme cũvu ñujare jocarí. Mɔjacapuravurecaba yóvaiyubevu ñujare. ¹³Que baru yu jēniaivu mɔjare parurōreca, yópe népacui jēniaiyepe ũi márare. Yópe ji pare ũepe mɔjare, quédecu ujarā yure.

**Pablo ñi majicaino Jesúre ju
aipõevare, ne yóvabenajiyere ayu
Jesúre ju abevuque**

(1 Co 3.16, 6.19)

¹⁴ Ñbenita ji ñedeca muje yóvarãjiyere ayu yure, yóvabejarã muja ina Jesúre ju abevuque, uparivu teiyede náque aru ñajivu tãtuturare aru purubuoiyede náque máre. Põeva mearore ðaivu ye buojabenama yóvaivu ina ñmenore ðaivuque. Aru põeva mãdãroi cuivupe, ne mearore ðare nuiye boje, ye buojabenama yóvaivu náque, ina ñeminoi cuivupe, ne ñmenore ðare nuiye boje. ¹⁵ Cristo ye buojabebi yóvayu ñai abujuvai jabocuque. Aru Jesúre ju aipõecu ye buojabebi yóvayu Jesúre ju abevuque, ne dãpiarĩ cõmajibe boje cünáturu. Nácapũravu pẽpeimarare mearore jívaivubu. Ñbenita majacapũravu Jũmenijicure mearore jívaivubu. ¹⁶ Aru pẽpeimara ye buojabenama yóvaivu ñai Jũmenijicu arucu ñi mearore jíñami jívu. Maja Jesúre ju aipõevavacari ñai Jũmenijicu arucu mearore jíñamipebu. Yópe arĩ, toivaicõjenejaquemavu Jũmenijicu ñi yáva iyede:

Ji põevaque sucuyutu yu. Yópe ji cuiyere ne jẽneboi yóvasuyutu yu náque. Ne mearore jímu macuyutu yu. Aru nácapũravu ji põeva marajárama, arejaquemavu Jũmenijicu.

¹⁷ Que baru Jũmenijicu yópe máre arĩ toivaicõjenejaquemavu ñi yáva iyede, ñi põeva ne majinajiyere ayu aipe ðaiye jauõre pẽpeimarare mearore jívu:

Náre dajocarĩ, etajarã muja náre jocarĩ. Que teni náque yóvabeni, coatejarã muja náre jaruvarĩ. Ye tuobejarã muja caiye ne cõvaede, ne ñmeina ðaiyeque cõvaede. Que ðaru, mujare me coru etacuyutu yu. ¹⁸ Yu bacuyutu mujerasu. Aru muja jímara marajáramu, arejaquemavu maje jabocu Jũmenijicu, ñai parucu caivu pũeno.

7 ¹ Jãve Jũmenijicu ðacacuyume majare caiye iye mearo ðacaiyede yópe ñi aiyे báquepedeca. Que baru muja, jívu, ji umara, yópe põevai jaruvaiyere docucuede ne joaiyede, nopedeca jaruvaiye javu majare maje ñmeina teiyede. Iye maje bajure ñmedaiyede aru maje umene máre ñmedaiyede coatenajarevu diede jaruvarĩ. Jũmenijicure memecaiye matuiyeda javu majare, maje pueðaiye boje ñre.

**Corintocavu Jesúre ju aipõeva ne
jaruvaino ne ñmeina teiyede**
(2 Co 2.13)

² Ujarã ñujare. Jãpiarĩ adabejarã ina ñmeina yávaivure ñujare. Ñamene ñmeina ðabetecarã ñuja. Ñamene ñmeina tede ðabetecarã ñuja. Aru ñamene jujovabetecarã ñuja. ³ Caiye iye ji toivaicõjeiyede apecure mujare toivaicõjemevu ñmecomocuyu mujare. Yópe ji toivaicõjeiye báquepedeca apecure mujare jipojĩcai, pare urivubu mujare. Ñuje urarõ ue boje mujare, yóvaivurivubu mujare maje cuede ijãravu. Aru apenvu ne mujare boarĩ jaruvaiyuru, mujaque yaiyurivubu ñuja. ⁴ Jidubecava coyuvu mujare nurie ji dãpiariyede ye yavebecava. Muja torojure ðadavũ yure. Que baru apenvu põevare coyuvubu muje borore. Caiye maje ñãjiyede, muja cadatedavũ ñujare, muje parure ðaiye boje ñuje ñmei, aru muje torojure ðaiye boje máre ñuje ñmei.

⁵ Ñuje eaiyede yui Macedonia ñmicurijoborõ, pu caride máre ye jabuvabevu ñuja cãrijivu. Cainumua ñãjivaivubu ñuja, apenvu ne maucuvae boje ñujare aru ñuje cãrijiye boje põeva ne ðãjueroede aru muja máre, muje ðãjueroede. “Dajocarãjichuma ne ju aiye de Jesús ñi yáva iye mẽne”, arĩ dãpiarĩ mujare, cãrijivubu ñuja. ⁶ Ñbenita Jũmenijicurecabe, ñai cadateyu ina cõmaje ñrojarivure, cadateyu bácu ñujare. Parure ðáme ñujare ñuje ñmei, Tito edaiyede yore. ⁷ Parure ðaibi ñujare ñuje ñmei, ñi

edaiye báque boje, cꝛꝛꝛꝛꝛ ññjaque. Æbenita pꝛeno baju parure ðaibi ññjare ññje ùmei, ùi coyuiyede muje parure ðaiyede ùre ùi ùmei. Pare ññjare jáiyurivubuya. Chõivubuya muje àmeina teiyede. Cãrijivubuya ji ñájiyede mujare boje. Que baru pꝛeno baju torojuvu yu ji ùmei.

⁸Mamarumure ji jaroiyede mujare no paperayoca ji toivaicõjeino mácarõre apecure, jaracꝛꝛꝛ mujare muje àmeina teiye boje, pare cãrijijnũ matecãcu yu. “¿Chõiore ðaquijichuri yu náre?” arí dápíaryu batecãcu. Aru muje jári boroteiyede no paperayoca bácarõre, chõiquemavu mja. Yu mujare chõiore ðayũ bãcuvacari, “Nore apecure toivaicõjeiye jaubeteavũ yure”, arí dápíabevũ yu. Chõivũ batequémavu mja obebejáravure. ⁹Caride torojuvu yu, ji toivaicõjeiye báque boje apecure no paperayoca bácarõre. Ji chõiore ðaiye báquede mujare torojubevũ yu. Æbenita me torojuvu yu, muje chõiori oatuvaiye boje muje ðaiyede. Mja jáquemavu muje àmeina teiyede yõpe Jũmenijicui jáiyepe diede, muje oatuvaiye báque boje muje ðaiyede. Que baru mujare àmedabetecacu yu, ji toivaicõjeiye báque boje apecure, majiacacꝛꝛꝛ mujare. Quénora mujare cadatecacu yu.

¹⁰Ñai jáñũ ùi àmeina teiyede yõpe Jũmenijicui jáiyepe diede chõiori oatuvayube ùi ðaiyede. Que baru Jũmenijicu meadayube ùre, ùi àmeina teiyede jaruvarí. Aru chõiomecube cainumua. Æbenita ñai jáñũ ùi àmeina teiyede yõpe põeva Jũmenijicure coreóvabevũ ne jáiyepe diede chõionũme, ùi cꝛꝛꝛꝛ teiye boje põeva ne jáiyede, ùbenita oatuvaiyubecube ùi ðaiyede. Que baru ñaine Jũmenijicu coavayube ùre jaruvarí cainumua. ¹¹Dápíajará mja caiye iye mearo vaiyede mujare, muje chõiori jáiye báque boje muje àmeina teiyede yõpe Jũmenijicui jáiyepe diede. Maumena corebevũva iye àmeina teiyede dajocaquemavu. Coyucaquemavu ji borore, cadatenajivu yure ji maucu ùi àmecoroiyede yure.

Jaraqemavu muje bajumia muje àmeina teiye báque boje. “¿Nõpe àmeina tenajichuri mja cojedeca?” arí dápíari jidutequemavu muje ñájijuroede die boje. Jáiyuridudemavu yure cojedeca. Cãrijivu yure boje ji ñájiyede mujare boje, yure ju aiyutequemavu. Aru ñai ji maucure ñájiye ðaquemavu. Caiye iye muje ðaiye báqueque jáðovaquemavu muje baju boropatebevũre caride.

¹²Jáðovaiyubetecacu ñai àmedayũ boropateyure, ùi àmeina teiye boje aru yu, ùi àmedaimu mácu, boropatebecure quédada, no paperayoca ji toivaicõjeino mácarõre apecure mujare. Quénora jáðovaiyutecacu mujare Jũmenijicui jáinore muje chõoiyede, ññje ñájiye boje, muje pare urí cadateiyue boje ññjare.

¹³Que baru ññjare me cadatedavũ mja, parure ðari ññje ùmei, muje me jápiari ju aiye boje yure.

Torojuvu ññja, muje nõpe cadateiye boje ññjare. Æbenita pꝛeno baju torojuvũ ññja, ññje jáiyede majecu Tito ùi torojue boje, caivu mja muje cadateiye báque boje ùre, ùi parure ðaquiyepere ayu ùi ùmei, ùi cue báquede muje yebai. ¹⁴Titoi etaquiye jipocai, jácũncꝛꝛꝛ muje yebai, muje torojure ðaiye boje yure, “Ññjare me jápiari ju arãjarama majevũ Corintocavu”, arí coyucacu ùre muje borore. Aru muje me jápiari ju aiye boje, cꝛꝛꝛꝛ yu, ji nõpe coyuiye báque boje ùre. Yõpe caiye ññje coyuiyepere mujare jávepe, quédaca ji coyuiye báque boje borore Titore máre jávetamu. ¹⁵Caride pꝛeno baju ubi mujare, ùi àruene muje me jápiari ju aiye ùre, aru muje me jacopuiye báquede ùre máre, ùre pueðarí yõpe muje pueðajuroepe jabocu jidojacure. ¹⁶Pare torojuvu yu. Jidubecuvu aru chõomecuvu máre majivu yu mujacapuravu ðaivure caiyede yõpe mujare jauéde, ye jaubeda.

**Jesúre ju aipõeva ne jño jecũbevũva
cũve cãvabevũre
(Ro 12.17, 15.26)**

8 ¹Mja, jivu, caride mujare coreóvare ðaiyurivubu ññja

ina Macedonia āmicurijoborōcavu Jesúre ju aipōeva ne mearo đaiyede Jūmenijicui mearo đacaiye boje náre bojecubeda ũi me boje. ²Návacari pare nájivaivubu. Ūbenita nájivuvacari, jádovadama Jesúre ju aivure jáve. Nájivuvacari, cainmna me torojma ne ũmei. Aru návacari ure cve cūvabevutamu. Ūbenita cve cūvabevuvacari, jecubevuva jívaivubu ina Judea āmicurijoborōcavu Jesúre ju aipōeva cve cūvabevure yōpe cve cūvarivū ne jjúroep. ³Jāve coyivū yu mujare. Caino ne oainope jíma na. Aru pueno baju yōpe ne jíye buojabejúroep jíma na. Jíbeteima ne cūvaequede náre jaubede quénora. Ūbenita náre jauéquede máre jíma na. Aru pōescu cubeteame jícōjeñū mácu náre. Quénora návacari “Jínajarevu, cadatenajivū ina cve cūvabevure”, aquemavu. ⁴Parurōreca nūjare jēniaivū bateima, nūje ĩni nūvarajiyep aivū ne tātuturare ina Judeacavu Jūmenijicui pōeva cve cūvabevure. ⁵Nūje coreiye báque pueno baju, jíma na. Mamarumure “Yōpe mi urōpe đarājaramu nūja”, aquemavu maje jabocu Cristore. Aru no yóboi, “Yōpe nūje urōpe đarājaramu nūja”, aima nūjare, Jūmenijicui nópe aicōjeiye báque boje náre. ⁶Nūje jáiye boje ina Macedoniacavu Jesúre ju aipōeva ne pare cadateiyūede ina cve cūvabevure, Titore jēniacarā nūja paredeca, ũi copainuquiyep aivū nūje yebai. Javede Tito cójjjovarī búquemavu nūje jíyede. Que baru jēniacarā ũi cadatequiyep aivū mujare, nūje cójjjovarī buojarájiyep aivū tātuturare, nūje jínajiyede ina cve cūvabevure. ⁷Muja ju aivubu Jesúre arevū pueno. Muja coyivubu Jesús ũi yávaiye méne arevū pueno. Muja coreóvaivubu iye yávaiyede jávene arevū pueno. Maumena corebevūva muja memecaiyurivubu arevure arevū pueno. Muja urivubu pōevare yōpe nūje ũepe arevū pueno máre. Que baru quédeca pueno baju jjarā nūje cūvaequede máre, cadatenajivū cve cūvabevure.

⁸Ji coyuiyede mujare diede, jícōjemevū mujare. Quénora coreóvare đayūbu mujare arevū Jesúre ju aipōeva ne urarō jíyena, ne pare ũe cadateiyūe boje cve cūvabevure, nūje jádovarajiyep aivū muja máre jáve urī cadateiyurivure náre nūje jíyepue jecubevuva. ⁹Muja me coreóvaivubu iyede. Maje jabocu Jesucristo, ũi pare ũe boje majare, pueno baju mearo đacarejaquemavu majare bojecubeda. Nai cve cūvacavacari caivū pueno, ũi cūvae boje caiye majepacu Jūmenijicui paruéde, pōescupe teni cve cūvabescupe caivū pueno tedejaquemavu ũ. Aru ũi nópe teiye báque boje, cve cūvarivūpebu maja, maje cūvae boje caiye iye Jūmenijicui méne. Que baru ũi nópe cadateiye báque boje majare, arevure cadateiye jauvu majare máre.

¹⁰Yu jícōjeiyūbecūvacari, majicaiyūvu mujare. Ji dápíaru, meavu mujare nūje buojaru iye tātura cójjjovaiye nūje buiye báquede apejū barede. Mujarecavu jini buivū bācavu caivū arevū jívu ne jínajiyep jipocai. Aru pueno baju mujarecavu “Jínajarevu” aivū bācavu máre caivū arevū “Jínajarevu”, ne arājiyep jipocai. ¹¹Que baru maumena corebevūva buojará iye nūje buiye báquede. Muja pare buiyurivū bācavu iye tātura cójjjovaiyede, cójjjovarī buojará máre maumena corebevūva. Jjarā yōpe nūje oainope, nūje cūvaeacarōque. ¹²Maje jáve jíyuru, cadatenajivū arevure, Jūmenijicu torojcu me jāñume maje jíyede. Jūmenijicu ũbi maje jíyede yōpe maje oainope, maje cūvaeacarōque. Jēniamecube majare maje jíyede maje cūvabede. ¹³Yu ũbevū nūje jínajiyep aivū arevure jauéde, pu nūje cūvabeta mujare jauéde. ¹⁴Quénora ũvu yu caivū ne cūvarājiyep aivū cūináturara. Que baru caride mujacarpūravū, cūvarivū caiye mujare jauéde aru mujare jaué pueno máre, jjarā, cadatenajivū ina cūvabevure. Aru arevūmure nácarpūravū, cūvarājiyep caiye náre jauéde aru náre jaué

püeno máre, jínajarama, cadatenajivu mña cuvabenajivüre. Que teni caivu cüináturnu cüvaräjivübu. ¹⁵Quédeca yópe arí, toivaicōjeneaquemavu Jūmenijicu ũi yávaiyede: “Ñai űrarō ññu mácu puruiyede cuvabedejaquemavu. Aru ñai quijino ññu mácre jaubedejaquemavu”, arí toivaicōjeneaquemavu.

Nópe ayu, Jūmenijicu jíyüre ũi pōevare náre jauéde cainumua aiyuerejaquemavu.

**Tito aru pucarā ũi yóvaimara
ne nurajino Corinto**

¹⁶Jūmenijicu Titore cadateiyüre ñaibi mujare yópe ũi cadateiyüre ñaiyere yüre. Que baru torojuede jívu Jūmenijicure. ¹⁷Tito pare cadateiyubi mujare. Apesu copaicōjemecuva ũre mñje yebai, ũvacari “Corinto copaiyvuvu yu”, áme. Que baru ji jēniaye báquede ũre paredeca, ũi copainuquiyere ayu mñje yebai, maumena corebecuva ju áme yüre.

¹⁸Que baru jácunucuyume mujare bediōva. Aru ũque jarocuyumu yu apesu majecüre, majape ju ayüre Jesúre. Caivu Jesúre ju aipōeva me pueðadama ũre, ũi coyuiye boje Jesús ũi yávaiye méne, ũi meadaiyede pōevare. ¹⁹Obedivu ne pueðaimvacari ũi coyuiye boje Jesús ũi yávaiye méne, püeno baju ne pueðaimume Macedonia āmicurijoborōcavu Jesúre ju aipōeva cójjivaivuvu, ne beoiye báque boje ũre, ũi yóvaquiyere aivu ñujare, ñuje nuvarajiyede iye tāuturare Judea āmicurijoborōi. Cadatecuyume ñujare, ñuje jári corenajiyepe ayu me iye mñje jíyede. Me jári coreiyurivubu ñña diede, pōeva ne mearore jínajiyere ayu maje jabocu Jesucristo ne pueðaimure aru jáðovarajivu maja Jesúre ju aipōeva maumena corebevuvu cadateiyurivüre majevu cüve cuvabevüre. ²⁰Ūre yóvaicōjeivubu ñujare, ñame ne āmeina yávarājiyere aivu ñujare, ñuje nuvaiye boje iye űre tāuturare, mñje jíyede. Ñamene ye āmeno jáicōjeiyubevu ñujare yópe ne jáiyere āmeina teivüre.

“Ñuje tāuturare ñavaivubebu”, ubenina arí coyubejarári pōeva. ²¹Que teni urivubu ñña pōeva ne járajiyere aivu mearo ñuje ñaiyede cainumua, yópe Jūmenijicui jáiyepedeca mearo ñuje ñaiyede. Jūmenijicu coreóvayube ñña jínajivüre caiye iye tāuturare ina cüve cuvabevüre. Ūbenita urivubu ñña pōeva máre coreóvaivüre diede.

²²Aru náque jarocuyumu yu apesu majecüre, majape ju ayüre Jesúre. Ñña buojaivubu majidivu ũre pare cadateiyucüre apevüre, ñuje jáiyे boje aipe ñari cómajiyüre. Ūi jápaiye boje mñje borore, jáve napini coreyube mña jínajivüre jecubevuva, cadatenajivüre me ina cüve cuvabevüre. Que baru püeno baju jácunuiyucube mujare.

²³Pōecu ũi jēniari járu ñamejare aru ye paruéde cüvarivüre, yópe arí, coyujarā mña: “Titobe Pablöre yóvayu, Jesúre memecayu aru majare Jesúre ju aipōevare cadateyu”, arí coyujarā Tito ũi borore. Aru apavu ina pucarā ũmva ne borore, yópe arí, coyujarā: “Macedoniacavu Jesúre ju aipōeva cójjivaivuvu ne jaroimaramu, nuvarajivu ne jíye báquede Judeacavu Jesúre ju aipōeva cüve cuvabevüre, pōeva ne mearore jínajiyere aivu maje jabocu Jesucristo ne pueðaimure”, arí coyujarā mña. ²⁴Näre me copu etarí, pueðarí, cadateni, jáðovajara náre aru náre daroivu bācavüre máre jávene ji coyuiye báquede náre mñje borore. Ñujare torojure ñaivubu mña.

**Jesúre ju aipōeva ne jino,
cadatenajivu apevüre**

9 ¹⁻²Apecüre mujare toivaicōjene nuíye jaubevu yüre, iye mñje jínajiyere ayu jecubevuva, mñje cójjovaiye boje tāuturare apenju bácarōre pu caride máre. Yu majivu mña cadateiyurivüre. Que baru mña Acaya āmicurijoborōcavu Jesúre ju aipōeva mñje borore, yópe arí, coyuvaivuvu yu ina Macedonia āmicurijoborōcavu Jesúre ju aipōevare: “Majevu Acayacavu cójjivaivubuya

iyе ne jínajiyede ina cуve cуvabevure areyju bácaröre pа caride máre”, arí соуvаivу yу. Aru mуje maumena corebevуva jýуe boje, obedivу ina Macedoniacavу máre maumena corebevуva jýуrivubu. ³⁻⁴Ina yóbecurá majevу Jesúre ju aipóevare jarосууmтu yу mуje yebai, ne cadatenajiyere ayу mуjare, mуje cójijovarí buojarájiyere ayу mуje táuturare. Que teni mуja jáđovarajaramu jávene iye ji соуиye báquede mуje borore apevu majevу, Macedoniacavу, ne eaiyede yáque. “Majevу Acayacavу cójijovaiвbuya ne jínajiyede javede”, arí соуre nuivу yу. Ñuje earájiyede mуje yebai, mуje cójijovabedu cáreja mуje jínajiyede, pare cуyejebu yу, ji соуrídуйe báque boje ubenina mуje borore. Aru mуja máre cуyejebu pare. ⁵Que baru jéniaivу ina yóbecurá majevure, ne nurajiyere ayу mуje yebai ji nуquiyе jipocai. Cadatenajarama mуjare, mуje cójijovarí buojarájiyere ayу mуje jínajiyede, yópe “Jínajaramu”, mуje aiye báquepedeca jipocamia. Que teni jáđovarajaramu mуja ji jícójememarare, quénora jýуrivure jecubevуva.

⁶Árurajara mуja iyede. Mуje majióvaró mearore daru apevure, Jümenijicucapüravу mearo đacacуyume mуjare majióvaró baju. Ubenita mуje uraró mearore đaru apevure, Jümenijicucapüravу mearo đacacуyume mуjare uraró baju. Jévari соуиyeque oteipóescu üi đaiyede соуquijivу yу. Oteipóescu obebeyabea oteiyabeare oteyу baru, ícуyume majióvaróra jéijaravу baquinói. Ubenita obediabea oteiyabeare oteyу baru, ícуyume uraróra jéijaravу baquinói. ⁷Caivу mуja coapa jíjará mуje cуvaecaröre yópe “Quéno baju jíсуyumu yу”, mуje arí dápaiyepedeca mуja coapa mуje ümei. Chíori jecurivу jýуbevure yéde jíbejará mуja. Apecui jícójeimarape máre yéde jíbejará. Quénora torojurí jecubevуva jíjará mуja, Jümenijicui ne boje ñai torojurí jecubecvа jýуre. ⁸Jümenijicu jýу majibi üi mearo

đacaiyequede, ijárvуquede, mуjare uraró baju, ye jaubequiyere ayу mуjare. Aru caiye mуjare jauéde jíniburu yóboi, uraró pурquiyebu mуjare. Que baru cуvarájaramu mуja mearo đacaiyequede, ijárvуquede, cadatenajivу apevure. ⁹Yópe arí, toivaicójenejaquemavу Jümenijicu üi yávaiyede ñai póescu meacu üi borore:

Üi cуvaecaröre jívayube jecubecvа ina cуve cуvabevure. Aru üi mearo đacaiyede árurajarama cainмua, arí toivaicójenejaquemavу.

¹⁰Bedióva cojedeca jévari соуиyeque соуquijivу yу. Yópe oteiyе pírari buojari aru bucari buojari, oteipóescu íyere üi áquiyeva aru üi otequiyeva máre, nopedeca mуja mearore đavу baru mуje cуvaeque, cуvarájaramu mуjare jauéde aru mуje jínajiyede máre pueno baju, mearore đarájivу aru cadatenajivу apevu póevare. Jümenijicurecabe jýу oteiyabeare ñai oteipóescu aru áiyede póeva ne árajiyeva. Urecabe mearore đare đayу mуjare máre. ¹¹Que baru üi mearo đacaiyequede, ijárvуquede, uraró cуvarájaramu mуja cainмua, jínajivу apevure jecubevуva. Aru obedivу póeva, ina majevу Judeacavу Jesúre ju aipóeva cуve cуvabevу, torojuede jínajarama Jümenijicure, iye jýe boje mуje jarorájiyede náre ñujaque. ¹²Mуje jýyede apevure, mearore đavubu, mуje cуvare đaiye boje náre jauéde. Ubenita pueno baju mearore đavubu, obedivу póevare mуje jíde đaiye boje uraró torojuede Jümenijicure. ¹³Mуje memecaiyede náre iye jýyede mуje jarorájiyeque, jáđovarajivubu mуja ju aivure jáve đajocabevуva Cristoi yávaiye méne, aru mуja jívure jecubevуva, cadatenajivure náre aru apevure máre. Que baru mearore jínajarama ne puedaimure Jümenijicure. ¹⁴Mуjare pare urivу jéniarajarama Jümenijicucque mуjare boje, üi pare mearo đacaiye boje mуjare bojecubeda üi me boje. ¹⁵Torojuede jínajarevу Jümenijicure, üi jýyе báque boje majare pueno baju

méne. Põeva ne yávaicamuaque ye buojabenama coyúvü diede.

**Pablo úi majicaino Jesús úi yávaie
méne beorí coyúicójeimara ne
daiyena
(1 Co 1.31)**

10 ¹Caride yávacari, Jesús úi yávaie méne beorí coyúicójeimaracacu, coyuyubu mujare, amecoroivure yure. Yópe Cristoi coyuiyere pðevare, náre cadateni aru pueðarí meacu pðescupe, nopedeca coyuyuvu mujare. Que baru mujare pueðarí meacu pðescupe aru mujare cadateiyurí, paredeca jéniaivu mujare, muje dajocarājiyere ayu muje amecoroiyede yure. “Pablo jiducu jararí buojabebi úi cuede majaque. Ubenita úi cuede joai majare jocarí, jidubecva jararí buojaibi úi toivaicójeiyede apesure paperayocare majare”, ubenina aríduivubuya muja. ²Yurecabu jararí buojayu mujare ji cuede mujaque máre. Que baru jéniaivu mujare. Jarare ðabejarā yure ji eaquiuede muje yebai. Mujacavu yópe arí, “Pablojā dápiarí cōmajivubu yópe ijāravucavu Jesúre ju abevu, Espírítu Santore cuvabevu, ne dápiarí cōmajiyere. Que baru nápe ðarí cōmajivubu Pablojā”, ubenina aríduivubuya. Ina nópe aríduivure jaracuyumu yu jāve.

³Jāve ñjatatamu ijāravni curivu. Ubenita ijāravni curivuvacari, maucuvabevu ñuje mavare yópe ijāravucavu Jesúre ju abevu, ne maucvarepe. ⁴Yópe churarava ne maucvarepe ne mavare boaicaroveaque, nopedeca ñuja maucvarivubu ñuje arí dápiarí coyuiyeque. Ubenita arí dápiarí coyurí majibevu ñuja pðeva ne arí dápiarí coyuiyeque. Quénora Jūmenijicu ñujare majide ðaibi úi paruéque, ñuje coyurājiyere ayu ina úre maucvarivure úi yávaiyede jāvene, ne majinajiyere ayu ubenina ne arí dápiayede. Nūja, Jūmenijicui parure ðaimara úi majiéque, jáðoavivubu borocuede ñuje mauva ne

amecoroiyede ñujare. ⁵Cainmua ina mujacavu “¿Meara márica apenv pueno?” aríduivu, “Jāve amevu”, ubenina ne aríduiyede Jūmenijicui yávaie ména, pðeva ne coreóvabenajiyere aivu Jūmenijicui majiéde, ñuja coyuvavubu Jūmenijicui paruéque, jáðovarajivu ubenina ne arí dápiayede. Que teni yópe churarava ne vainí turí jēni jacoiyere ne mavare, ju are ðarājiyere aivu náre ne baju jabocure, úi cōjequiyepe aivu náre, nopedeca maje jabocu Cristore dápiacójene ðavubu ñuja ñuje mavare, ne ju arājiyere aivu úre ñuje coyuvaiyede Jūmenijicui paruéque. ⁶Muje jáðovarajiyede me ju aiyurivure Jūmenijicure jaubevva, ñājine ðarājaramu ñuja mujacavu caivure muje ju abedu.

⁷Muja jáivubu aipe ārojarivure ñuje bajure. Ubenita majibevu aipe ārojarivure ñujare ñuje úmei. Cūinácu mujacacu “Jāve yábu Cristo jicu” ayu, coreóvajacurí ñujare máre Cristo jinare. ⁸Ji coyuiyede ñuja Jesús úi yávaie méne beorí coyúicójeimarava ñuje parué cvaede, yópe “¿Meara márica?” aivure coyuvvacari, yópe yure coyuiye jaubepe, ye cvebecubu yu. Maje jabocu Cristo ñujare coyúicójememi mujare úi yávaie méne, ñuje dajocare ðarājiyere ayu mujare muje ju aiyede úre. Quénora ñujare coyúicójeimi mujare diede, ñuje parure ðarājiyere ayu mujare muje ju aiyede úre. Que baru cvebecubu yu ji coyuiyede. ⁹Mujare cuavaiyubevu yu yo paperayocare ji toivaicójeiyede apesure mujare parurõreca. ¹⁰Cūinácu muje jēneboi cucu, “Pablo paruéque majicayube majare yópe majicupe úi paperayocare, úi toivaicójeiyede apesure. Ubenita úi cuede majaque parubecu majicarí buojabecube majare. Quénora coyuyube yópe majibecupe”, ubenina aríduibuya. ¹¹Ubenita ñai que aríduyu coreóvajacurí iyede. Yácapūravu cūináturereca coyucuyumu mujare ji cuquiuede mujaque, yópe ji toivaicójeiyere apesure paperayocaque ji cuede joai mujare jocarí.

¹²Jāve ņija cūináturpe teiyubevu ina mje jēneboi cūrivu “¿Meara mārīca maja arevu p̄eno?” arī dāpīaiŋpe. Aru nāpe raivū mārē jēvari coyūiyubevu ņija. Nācarūravu majibevutamū. Corevaicōjeivūbuya ne đaiyede yōpe ne ŋōpe. Aru jēvari coyūivubu ne baju. ¹³Ūbenita ņijacarpūravu “¿Meara mārīca?” aivū baru, coyūjebu ņije đaiyede Jūmenijicūi parūéque no joborōre quéno, ārōre ņijare memecaicōjeame ūre. ņijare ūre memecaicōjeino mārōre jocarī, ye arī coyūbejebu, yōpe arevu ne coyūiyere. Aru no joborō jīvūi cūrivūbu mja, ņijare memecaicōjeino ūre. ¹⁴Jūmenijicu ņijare coyūicōjeame m̄jare Cristo yāvaiye méne mamarūmure caivū ne jīpocai. Que baru đabetecarā ņija yōpe ūi memecaicōjemenope ņije copaiyede m̄je yebai. ¹⁵ņija “¿Me đaiivū bārīca maja?” arī coyūbevu arevu ne đaiyena, yōpe ņije đájuroepe o ne Jūmenijicure memecaicōjeijoborō ņije memecaicōjejurorōpe ūre, yōpe arevu ne đaiyere. Quénora ņija napīni coreivūbu m̄jare p̄eno baju jū arājivure Jesúre, memecarājivū Jūmenijicure p̄eno baju m̄je yebai, yōpe ūre memecaicōjeino mārōre ņijare. ¹⁶Nōpe đarīburu yōboi, ņija napīni coreivūbu, coyūrī buojarājivū Jesús ūi yāvaiye méne ūi meadaiyena p̄evare apenoa īmaroai Corinto apērūravūi, ārōa p̄eva ne jāpiabenoai cāreja dīede. No joborōtamū mārē Jūmenijicure memecaicōjeijoborō mārō ņijare. Que teni, “¿Me đaiivū bārīca maja?” arī coyūbenamū apesu ūi đaiyena yōpe ņije đájuroepe, yōpe arevu ne arī coyūiyere.

¹⁷Que baru yōpe arī, toivaicōjenejaquemavū Jūmenijicu ūi yāvaiyede: “Ácu p̄escu ‘¿Jūmenijicure memecayū meacu bārīca?’ arī coyūiyacu baru ūi baju, nōpe arī coyūbejacūrī. Quénora ‘Meacu bajube maje jabocu cavarō mearocacu’, arī coyūjacūrī ūi”, arī toivaicōjenejaquemavū

Jūmenijicu. ¹⁸ņai “¿Jūmenijicure memecayū meacu bārīca?” ayure ūi baju, Jūmenijicūcarpūravū “Yure memecayū meacūbu”, arī coyūbecūbe. Ūbenita ņai “Jūmenijicu yure cadateibi ji memecaiyede ūre” ayure, Jūmenijicūcarpūravū, “Yure memecayū meacūbu”, arī coyūcūyume.

**Pablo ūi coyūino ina borocūrivū
Jesús ūi yāvaiye méne beorī
coyūicōjeimarape teivure
(Fil 4.15-18)**

11 ¹Jāpijarā ji coyūquiyede m̄jare carīde. Ūvū m̄je napīnajiyepe ayū yure ji coyūquiyede. Yū majicūvacarī ņai “¿Meacu bārīca?” ayū ūi bajuma ārūmecu bajure, nōpe arī jāquiyebu yure, m̄je đajocabenajiyepe ayū ji coyūiyē bāquede m̄jare Jesús ūi yāvaiye méne m̄je p̄eno baju jāpīaiyē boje ape yāvaiyede. Que baru napījara yure ji coyūquiyede. ²Jūmenijicu yure tebutede đaiibi m̄jare, yōpe ūmū ūi tebutēyere mamaco bojūyore, “Mū cūvacūyūmū ōre mīmarepacova” ūi arīburu yōboi cūinācu ūmure. Jīpacū me jāri coreibi mamacore, ōi cūbecojiyepe ayū apesu ūmūque, jīcūyū ōre meaco bajure āmeno cūbecova Jūmenijicūi jāinore jīmarepacū bacūyāre ne p̄ūcūbuojāravū baquinōi. Aru ōi jāru apesu ūmure, jīpacū jarajebu ōre. Nopedeca m̄jare coreōvare đacacu yū Cristore, m̄je cūrājīyere ayū ūque cūināvure. Que baru m̄jare jīyūvū yū ūre āmeno cūbevūva Jūmenijicūi jāinore. ³Jīdvū yū vaiquiyede m̄jare yōpe vaiye bāquepe Eva bācore. Yōpe ņai āđa majicu ūi jūjovaiye bāquepe ō mārōre, ōi dāpiabecojiyepe ayū nurié, ōi āmeina tecojiyepe ayū, nopedeca arevu jūjovaiyūrivūbu m̄jare, m̄je dāpiabenajiyepe ayū nurié, m̄je āmeina tenajiyepe ayū, đajocarū m̄je jū aiyede Cristore arū m̄je memecaiyede ūre mārē. Que baru jīdvū yū.

⁴M̄ja torojarivū napivūbuya arevu coyūp̄ōeva eivure m̄je īmaroi. Me jāpīaiyūrivūbuya ne coyūiyede Jesūrā,

coyúivureca apede úra ji coyúie báquede jarúvarí. Jacorúivurívubuya apesu decocure ne daroiyúmure, daroiyúvureca apesure, ñai Espíritu Santo ji darore ðaimu mácure jarúvarí. Ju aiyúvurívubuya ne bueiye de Jesús úi yávaiye méne, ne que aiyede úbenina, bueivureca apede ji bueiye báquede jarúvarí. ⁵Nácapúravu yópe Jesús úi yávaiye méne beorí coyúicójeimarape teniduvubu. Aru úbenina arí dápiavubu meare ji rueno. Úbenita yácapúravu coreóvaivu iyede. Ne cáchinocacu ámevu yu. Aru ji rueno meara ámema na. Úbenita nárecabu mujare jaboteivu. ⁶Yu yávayu majibecúvacari meacama yávaicamaque, jáve me majivu yu Jesús úi yávaiye méne. Mujavacari me diede coreóvaivubu, muje jápaiye báque boje ji coyúie báquede aru muje jáiye báque boje ji ðaiye báquede obedinuma. ⁷Apevu póeva “Pablo ámeina teyube, úi jacorúiyube boje muje táuturare, úi bueiye boje yópe apevu bueipóeva ne ðaiyepe”, úbenina aivubuya. Úbenita ye ámeina tebevu yu, ji jacorube boje táuturare, ji bueiye boje Jümenijicú yávaiye méne. Quéhora yópe muje cáchinocacupe teni, memecacu ji ruuáque, íni bojedacuyu yure jauéde. Que teni coreóvare ðacacu mujare bojecubeda Jesús úi yávaiye méne, úi meadaiyede mujare muje úmei bojecubeda. Que teni mujare yópe ji ruenocavupe tede ðacacu, mujare meaiye jaube boje, muje jibenajiyere ayu yure jauéde. ⁸Aru ji sue báquede muje ímaroi, buesuyu mujare, jacorúcasu apevu Jesúre ju aipóevare, apeno ímaroi cójivivaivure, ne táuturare, íni bojedacuyu yure jauéde. Náre bojedaicójecacu yure, náre memecabecúvacari, memecacuyu mujare bojecubeda. ⁹Ji sue báquede mujaque, apenuma yure jauteavú. Úbenita ye apejéne jéniametecacu mujacacu cúinacure. Quéhora Macedonia ámicurijoborócvu majevu, ne ju aie boje Jesúre, ne daroimara

mácvu edaivu bácvu muje ímaroi, jima yure ne jiyede, ji íni bojedacuyere aivu yure jauéde. Que baru dinumu mácaróre cárijovametecacu mujare, yure jaué boje. Aru mujare ye cárijovamesuyumu apenuma máre, yure jaué boje. ¹⁰Meavu ji dápiaru ji coyure muiyede bojecubeda Jesús úi yávaiye méne cainoa ímaroa, Acaya ámicurijoborócaróare. Yu coyuyubu mujare yávaiyede jávene. Yu Cristo jicubu. Que baru borocubevu yu. ¹¹Ji que coyúie boje, “Pablo ñjare úbebi” úbenina arí dápiabejará muja. Jáve avu mujare. Jümenijicu me coreóvaibi yure pare usure mujare.

¹²Yúcapúravu ðare nuquijivu yópe ji ðarí cómaiye báquepe, muje coreóvaráiyere ayu borocurivure ina muje táuturare jacorúvure, ne bueiye boje “Pablo memenu me ñjapedeca”, úbenina ne aiyede. ¹³Nárecabu “Ñjatumu Jesús úi yávaiye méne beorí coyúicójeimara” úbenina aivu. Úbenita Jesús úi yávaiye méne beorí coyúicójeimara jáve ámema. Quéhora póevare jujoavubu. Ne bajumia jáðovariduvubu yópe Jesús úi yávaiye méne beorí coyúicójeimarape. ¹⁴Ne que teiyede, cuavaiye jaubevu majare, Satanás úi teiye boje. Satanávacari úi baju majibi jáðovañu meacupe, yópe ángelepe. ¹⁵Que baru cuavaiye jaubevu majare Satanáre memecapóeva, ina “Ñjatumu Jesús úi yávaiye méne beorí coyúicójeimara” úbenina aivu, ne jáðovaiyede yópe mearo ðaivupe. Úbenita Jümenijicu ñájine ðacuyume ina jujoavivure yópe náre ñájine ðaiye jauépe, ne que ðaiye báque boje.

Pablo “¿Meacu bária?” úi aino árumecupe, Corintocavu ne coreóvaráiyere ayu Jesús úi yávaiye méne beorí coyúicójeimarape teivure
(Hch 9.23-25, 14.5, 19, 16.22-23)

¹⁶Bediáva cojedeca jéniaivu mujare, muje arí dápiabenajiyere ayu yure árumecure. Úbenita “Pablo árumecubevu” arí dápiavu baru,

jápiajarā ji soyuqiyede. Yure máre, yópe ina “Ñujatamu Jesús ñi yávaiye méne beorí soyuicōjeimara” ũbenina aivũ, arí dápiavũ ji puenocavũ ne soyuiyere soyuicōjeyara yure, “¿Meacu b́arica?” ji bajuma ji aquiyepe aivũ.

¹⁷Maje jabocu Jesucristo iyepe paiye soyuiyede ye soyubejebu. Aru yure máre soyuicōjememí. Quénora yávacari soyuyubu yópe ãrũmecu ñi soyuiyere. ¹⁸Nore muje yebare, “¿Meara ḿarica?” arí soyuivubuya ne bajumia, pōeva ne coreóvarájiyere aivũ ñamejare aru aipe ne ðaiyede ijáravui. Que baru yũ máre quédeca arí soyuyubu. ¹⁹Mujarecabu me majidivũ muje dápiaru. Que baru torojurivũ jápiadavũ ãrũmevere. Aru ne soyuiyede napiyavũ muja. ²⁰Muja napiyavũ ina mujare ðaicōjeivure yópe ne cōjeimara majurórivure paivure. Napiyavũ ina ívure muje cavaede, aru ina jujovaivure mujare. Napiyavũ ina ãmeina jáivure mujare, “¿Parurivũ b́arica ñuja ne pueno?” arí dápiavure mujare yópe ne cāchinocavure. Aru napiyavũ ina jara boaivure muje jijecamure máre. ²¹Ji parube boje, ne nópe ðaiyere ðabetecacu mujare. ũbenita ji pueno náre me jápiadavũ muja. Que baru cuyevũ yũ, ji parube boje.

Pōeva “¿Meara ḿarica?” aivũ ne bajumia ãrũmevereca Jũmenijicui jáinore, ina jidũbevũva nópe aru, yũ máre jidũbecũva nópe soyuyubu. ²²Návacari “Hebreovatamu ñuja. Que baru judíova bajutamu aru hebreo ãmicuricamua yávaicamuare yávaivubu” aivũreca, yũ máre napedecabu. Návacari “Israel b́acui ṕaramenacavubu ñuja” aivũreca, yũ máre napedecabu. Návacari “Abraham ḿacui ṕaramenacavubu ñuja” aivũreca, yũ máre napedecabu. ²³Aru návacari “Cristore memecavubu ñuja” aivũreca, yũ ne pueno memecayubu Cristore. ũbenita yópe ãrũmecupe yávayubu, que ayũ.

Memecacu yũ ne pueno. Jabova jēni jacoima yure ãmeina teivure jēni jacoĩnami jívuĩ obedinũmuare,

ne pueno. Jabova jara popeicōjeima yure obedinũmuare, ne pueno. Yainíducacu yũ obedinũmuare ne pueno.

²⁴Soyuyubu mujare iye ji yainíduiye báquede. Cũinárũrũpe painũmua baju ina judíovai jabova jara popeicōjeima yure ne treinta y nueve baju jara popeiyede ne boaime ãmacajeque ðaimeque. ²⁵Yóbecurinũmua baju ina Roma ãmicuró jaborócvũ jabova jara popeicōjeima yure jaradoque. Cũinára pōeva cūraboaque ðavarí boarí jaruvaiyuríduima yure. Yóbecurinũmua baju jiadocũ uracũ ji nuicũ mácaró corí bíjyaiye báque boje, ćatecacu yũ jia uradaí, aru cũinára jorí, nurí coreni, maotecacu cũinánamine aru cũinájárvure máre. ²⁶Apenũmuare cuscũncacu yũ joai, soyũcuy Jesús ñi yávaiye méne obediĩmaroai. Aru ji cuscũniyede, ñájicacu pare. Apenũmuare bejarí bíjaríducacu ji jataríduiyede jia yaboiyede. Apenũmuare tatorí ñavaipōeva ji cavaede ñni ñavariduíma. Apenũmuare apevũ ji pōeva, judíovacavũ, ãmedaima yure. Aru apenũmuare ina judíova ãmevercavũ ãmedaima yure. Apenũmuare ji cuede ĩmaroai, apenũmuare pōescubenoí, aru apenũmuare jia uradaí máre ñájicacu yũ. Aru pōeva ũbenina “mũ, ñujecu”, borocurivũ arí, Jesúre ju aipóevape teni, na máre ãmedaima yure. ²⁷Apenũmuare pare memecacu yũ pu uetuyũ baju, eacuyũ táuturare, bojedacuyũ yure jauéde. Obedinũmuare cāmetecacu, ji memeiye boje. Ávneé ijiteavũ yure aru cũinóavũ yure máre. Apenũmuare ãiyede cuvabotecacu. Apenũmuare ji curíñamine cuvabotecacu. Aru apenũmuare cuitótecaje jauteavũ yure. ²⁸Aru apede máre ñájicacu yũ. ũbenita caiye iye pueno, járvua coapa ñájivaivũ yũ, ji cārijíye boje cainoa ĩmaroacavũ Jesúre ju aipóeva cójjíivaivure. ²⁹Cũinácu nácacu ñi parũbedu ñi ju aiyede Jesúre, chĩori vaivũ yũ pare. Aru cũinácu nácacu apecui jujovaimũ mácu ãmeina tedu, yávacari cārijini ñájívu pare.

jauéde, apevu yure maucuvári ne ñájjine ðaiyede yure, aru ji cárijiyede. Caiye iye ámeno vaiyede yure Cristo jicu bae boje, “Meavu yure” ayu, torojavu yu. Ji parube boje, majivu Cristo cadateyure yure ji ðaiyede ùi parué majiéque.

**Pablo ùi cárijino Corintocavu
Jesúre ju aipðevare boje**

¹¹ Ji nópe toivaicðeiyede boje apecure, árumecupe teivu yu. Ubenita jauteavũ yure, muje jápaiye boje ina Jesús ùi yávaiye méne beorí coyucðeimarape teniduvu ne borocurí coyuiyede Jesús ùi yávaiye ména aru yurá máre. Ñamene yure aru yéde ji paruéde coyuiye jauřiduavũ mujare. Ubenita muje coyube boje, coyuiye jauteavũ yure ji bajuma. Na “Pablo bojecubecube”, ubenina ávaivubuya. Ubenita yu bojecubecuvacari, ye ne cãchinocacu ámevu yu. Aru ji rueno meara ámema na. ¹² Ji cue báquede mujaque Jümenijicu yure ðare ðáme pøeva ne jámene, ne ðarí majibede, aru ape paruéque ðaiyede máre, jáðovacuyu yure jáve Jesús ùi yávaiye méne beorí coyucðeimeu bajure. Caiye iye ji ðaiyede napini ðacacu yu. ¹³ Yu ámevu apevu ne cãchinocacu. Quédeca mujacarpuravu máre ámevu apevu Jesúre ju aipðeva cójjivaiyu ne cãchinocavu ji jáinore. Mearo ðacaiyede ye ðabetecacu yu rueno baju apevure boje muje rueno. Jáve jëniametecacu muje táuturare, yópe ji jëniayepere apevu Jesúre ju aipðeva cójjivaiyure. Ubenita, “Pablo ñujare ámeina jáñumebu”, ubenina arí ðápiabejará muja. Muje ubedu ji jëniame máquede muje táuturare, chíori jëniañumu muje árumenajiyepere ayu diede.

¹⁴ Javede ruque jácunucacu mujare. Aru caride meadáyubu ji cuvede, jácunucuyu mujare bedióva cojedeca. Aru yópe jipocai ji ðaiye báqueredeca, jëniamescuyumu muje táuturare. Muje cuvaede cuvaiyubevu yu. Quénora cuvaiyuvu yu mujare Cristo jinava. Mujarecabu yópe jímarape

yure. Ubenita mamara ámevurecabu bojedacaivu nébucuvare ne árajyeva. Quénora nébucuvarecabu bojedacaivu némarare ne árajyeva. Que baru yu jacopuiyubevu muje táuturare. ¹⁵ Yu torojucu baju jícuymu caiye ji cuvaede aru ji bajure máre, cadatecuyu mujare, ji ue boje mujare. Ubenita mujare rueno baju ure nuñureca yu, mujacarpuravu ji jáinore quíjjino baju ure nuivubu yure.

¹⁶ Apevu mujaque curivu, yópe arí, ámecorovaivubuya yure: “Jáve Pablo jëniamei ñuje táuturare. Ubenita jujovari íñume ñuje táuturare majibevuva”, ávaivubuya. ¹⁷ ¿Aipe ðarí mujare jujovari, íñu buojari yu muje táuturare? ¿Muje dápiaru, ina ji jaroimara mácavure jujovaicðeiarí mujare? ¹⁸ Titore jëniacacu parurðeca, ùi nuquiyepere ayu muje yebai. Aru jarocacu apecu majecu Jesúre ju aipðecure éque. ¿Muje dápiaru, Titojá jujovari mujare? Muja me majidivubu jáve Titojá jujovabevu bácvure mujare. Me majivu yu náre, yuredeca, cainumua mearore dápiavure aru mearore ðavure máre. Que baru ñuja ye jujovabevu mujare.

¹⁹ Caiye iye ji toivaicðeiyede apecure mujare jári boroteivu bácvu dápiabejará muja coyuyure ñuje ðaiyede, muje arí coyurájiyepere ayu “Meavu” o “Meamevu”. Muja ámevurecabu coyurájivu méne o meamene ñuje ðaiyede. Quénora Jümenijicurecabe coyucuyu diede ñujare. Ubenita caiye iye ji toivaicðeiyequere apecure coyuyubu yu Jümenijicui jáinore, ji cue boje Cristoque cünávure, muje parure nurajiyepere ayu muje ümei. Que baru muja, jívu, caiye ñuje ðaiyeque cadateiyurivubu mujare. ²⁰ Jidavu yu ji copaidaquiyede muje yebai, apevu mujacavu ðabevu bárájjivure yópe mujare jauépe. Apevu jararí pare áðamateiyurájjichuma. Aru apevu tebutenajjjichuma. Apevu jijatenaajjjichuma ubenina. Apevu ðarájjichuma ne baju urópe dápiabevuva mearore o ámenore apevure. Apevu coyurájjichuma

ãmenore caivũ ne jápiaiye de apevũ borore. Apevũ yávarãjichũma jápiabenoi ãmenore apevũ borore. Apevũ “¿Meara márica apevũ pũeno?” arĩ dápíarãjichũma. Aru apevũ maucũvarĩ, cãrijovari, boaiyũrãjichũma apevũre.

Mũjacavũ ne nópe ðaru, ji copaiðaquiyede torojubecũyũmu yũ. Aru mũja máre torojubenajaramu, ji jararĩ ñãjine ðaquiyede boje mũjare, mũje nópe ãmeina teiye boje. ²¹Jidũvũ yũ ji copaiðaquiyede mũje yebai Jũmenijicu ji mearore jĩmu cũyoje tede ðacũyũre yũre bediõva cojedeca mũje jáĩnore. Apevũ mũjacavũ curivũbuya mũje ãmeũmeque. Apevũ mũjacavũ ãmeina ðarĩ curivũbuya apevũque némarebũcũva ãmevũque. Aru apevũ mũjacavũ caino ãmenore ðaivũbuya. Nópe teni ãmeina teima javede. Aru chiõmeni oatũvabename cãreja ne ðaiyede. Quénora ãmeina tede nuivũbuya. Chiõmeni oatũvabedu ji ðaquiyede jipocai, chiõri ocũyũmu yũ pare, náre boje.

**Pablo ãi majicaino aru meaicõjeino
Corintocavũre
(Mt 18.16)**

13 ¹Ji eaquiyebu cari yóbecũe ji eaiye jácũniyede mũje yebai. Yópe arĩ, toivaicõjeneaquemavũ Jũmenijicu ãi yávaiyede: “Ñai põescu apevũ ne boro coyũrĩ ðaaimũ maru, ‘Ãmeina ðayũbe’ aivũ baru ãi borore, pũsarã o yóbecũrã o apevũ máre majidivũ bácavũ ãi ãmeina ðaiye báqueda boro coyũye jaũvũ náre ãi borore”, arĩ toivaicõjeneaquemavũ. ²Ji eaquiyede jipocamia mũje yebai bediõva cojedeca, parũrõreca coyũiyũvũ mũjare yo paperayocaque ji cũede joai mũjare jocarĩ. Ji cari eaquiyede napimescũva jáve jararĩ ñãjine ðacũyũmu caivũ mũjacavũ ãmeina ðare nuivũre. Javede, ji pũque cũe báquede mũjaque, quédeca coyũcasũ parũrõreca mũjare. Coyũcasũ mũjacavũ ãmeina ðaivũre ji eaquiyede jipocamia aru caivũ apevũre máre. ³Mũjarecabu jẽniaivũ ji jáðovaquiyepere aivũ yũre Cristoi coyũicõjeimũ

bajure. Ji eaquiyede jáðovacũyũmu jáve baju ji cũvaede Cristoi parũéde. Ûrecabe parũbecũ ãmesũ. Quénora parũcũ bajutame. Que baru parũre ðacũyũme yũre mũje jẽneboi, ji ñãjine ðaquiyepere ayũ úre ju aipõeva ãmeina ðarĩ cõmajivũre. ⁴Cristo jáðovamecũ bácũvacari ãi parũéde ne pẽvari boarĩ jarũvaiye báquede úre jocũcũjaravena, caride apũcũ cũbi Jũmenijicũi parũéque. Ûpedeca ñũja ãi yávaiye méne beorĩ coyũicõjeimara, úque curivũ cũinávũpe, parũbevuacari, jáðovarajaramu ãi parũéde ñũje cũvaede, ñũje ñãjine ðarãjijiyede mũjacavũ úre ju aipõeva ãmeina ðarĩ cõmajivũre.

⁵Jãri corevajarã mũja coapa mũje baju, jáðovarajivũ ju are nuivũre maje jabocũ Jesucristore ðajocabevũva o úre ju aiyede ðajocavũre. Me dápíarĩ corevajarã mũje bajumia. Que teni coreóvarãjaramu curivũre Jesucristoque cũinávũpe, úre ju aivũ baru. Ûbenita úre ju abevũ baru, coreóvarãjaramu cubevũre úque cũinávũpe. ⁶Mũje coreóvarãjijiyede curivũre Jesucristoque cũinávũpe, coreóvarãjaramu ñũjare, mũjare coreóvare ðaivũ bácavũre, ãi yávaiye méne beorĩ coyũicõjeimara bajure. ⁷Ñũje earãjijiyede, mũjacavũ ãmeina ðarĩ cõmajivũ baru, mũja coreóvarãjaramu ñũjare Jesús ãi yávaiye méne beorĩ coyũicõjeimara bajure, ñũje ñãjine ðarãjijiyede boje náre Cristoi parũéque. Ûbenita ñũja jẽniaivaivũ Jũmenijicũque, mũje ãmeina ðabenajijiyepere aivũ. Mũje ãmeina ðarĩ cõmajibedu, ñamene ye ñãjine ðabenajaramu ñũja parũéque. Ñũje parũéde jáðovamenu, “Jesús ãi yávaiye méne beorĩ coyũicõjeimara ãmema”, ãbenina arĩ dápíarãjichũvũ mũja ñũjare. Ye baju ãmevũ ñũjare. Pare urivũbu ñũja caiye pũeno, mũje mearore ðarãjijiyepere aivũ.

⁸Põeva ne mearore ðaiyede, ðaivũbu yópe Jũmenijicũi ðaicõjeiyepere ãi yávaiye jáveque. Aru Cristo ñũjare jáðovaicõjememũ ãi parũéde, ñũje ãmeina ðarãjijiyepere ayũ ina yávaiyede

jāvene đaipōevare. Quénora ñujare jádovaicōjeimi ñi paruéde, ñuje cađatenajiyeye ayu náre. ⁹Muje mearore đaiyede, parure ñuivubu muje ũmei. Aru mujare ñájine đaiye jaubevu ñujare. Que baru ñuja buojabenamu jádovaivu iye paruéde, Cristoi cāvare đaiyede ñujare. Aru parubevupe teivubu muje jáinore. Ũbenita parubevuvacari, torojuvu ñuja, muje parure ñuiye boje muje ũmei. Aru cainumua jēniavaivubu Jūmenijicuque, ñi parure nure đaquiyeye aivu mujare muje ũmei, pñ mujare ye jaubeta.

¹⁰Yo paperayocare toivaicōjeivu apesure mujare ji cuede joai mujare jocarī, muje meatenajiyeye ayu muje đaiyede, ji equiyeye jipocamia muje yebai. Que tedu, mujare ñájine đaiye jaubequiyebu yure, yópe Cristoi đaicōjeiyeye yure caivu ũre ju aipōevare āmeina đarī cōmajivure. Ũrecabe parure đabecu ñujare, ñuje chīore đarī, đajocare đarājiyeye ayu

pōevare ne ju aiyede ũre. Quénora parure đaiibi ñujare, ñuje torojure đarī, parure đarājiyeye ayu náre ne ju aiyede ũre.

¹¹Muja, jivu, quénoramu caride. Meatejarā muje đaiyede. Aru cainumua pueno baju mearore đare mujara muja. Me jápiarī ju ajarā ji coyuyede mujare. Cūináturu muje ũme me cujarā caivu muja cūináturu. Cārijimenoque me cujarā muja. Que đaru, Jūmenijicu, ñai majare ucu aru majare cārijimenoque cure đayū, cūcuyume mujaque. ¹²Me jacoyjarā muja mujevure muje jivare nuri, muje Jūmenijicu jina mae boje. ¹³Caivu Jesúre ju aipōeva yore curivu meaicōjedama mujare. ¹⁴Maje jabocu Jesucristo mearo đacajacurī mujare bojecubeda ñi me boje. Majepacu Jūmenijicu, mujare ucu, ure đajacurī mujare. Aru ñai Espiritu Santo yóvajacurī mujare cūinávupe. Quénoramu.